



此殘本談遷國權五冊朱氏潛采堂故物也按明
史藝文志談遷國權壹百卷則此僅百分之五惜
不得竹垞臧書目一考之竹垞以鴻詞入史館撰
修明史全史體例皆其一手裁成觀曝書亭集
史館上摠裁七書可以知其大略矣是書蓋即其
時修撰之史料第二冊第四冊首葉有朱氏
印藝尊四字白文方印又有秀水朱氏潛采堂圖
書九字朱文方印不知幾經厄劫始得畱貽至于
今日書不足貴手澤可貴故重加裝池以插
架子孫其永寶之乙未臘月葉德輝記



是書各家書目罕著錄惟豐順丁氏持靜齋
書目史部編年內有國權二十卷注云舊抄本
明史載此書一百卷後失其大半丁氏為咸同年
間一臧書家不復以殘存見棄則其書之珍貴
可知矣書友李強之持舊書一單求售余收得
數種此書二在內去大泉肆于近時書籍之貴
可謂至極同日燈下工記是日梓兒入蒙塾邀眾
谷青考廉授句讀內弟勞勉亟解元送入
塾并邀同年汪頌年編修詒書胡眉壽吉士
矩賢友人鄭叔靜探花沈在書齋共飲至

二鼓始散時指月十九日也

國權



益官談遷撰木著

起天啓三年七月盡天啓五年

天啓三年

七月己丑朔太僕少卿柯晷為左通政

辛卯南京大內左離宮災

尚寶少卿徐良彥為大理寺左寺丞浙江副使姜志禮為尚

寶少卿

山東巡撫趙彥以英國公遠族張樞假英國公驛驛麻縣

屠城擬戍上命棄市

工料給事中方有度言遼左發難民間新餉歲四百人十五萬有奇通五年約二千餘萬頃見天津督餉侍郎畢自嚴疏每歲山海內外騎步兵十一萬有奇本折草料海運及文武將吏軍匠俸給之費共四百餘萬此就關兵言而款西胡即視壬戌年例七萬金不與也此外己未年登萊增水陸兵二萬天津增水陸兵一萬四千庚申年京師立振武營增新兵三千三百辛酉年通州增騎步兵九千八百壬戌年密雲增車兵一萬張家灣增新兵六千京師十六門新兵八千毛文龍海上兵二萬共九萬一千有奇除登萊之兵餉半支本省

坐派銀振武營十六門之兵餉坐支京師倉米其餘新兵歲費九十萬不與也此外壬戌年薊鎮舊兵議增餉歲約數萬不與也有軍則有操賞之費有牧馬之費有脩舟車之費有官役俸廩之費即毛文龍海運贖費已五萬歲費約十餘萬不與也自山海關四百萬外各處新兵歲費百二十萬合之約五百二十萬矣歲派四百八十五萬毫釐不虧盡充軍需已缺三十五萬然而不能也今北直加派四十三萬免矣山東四十四萬八千作登萊兵餉併市米運天津矣湖廣七十萬九千廣西六萬四川二十二萬雲南一萬六千俱作點餉以上蠲免留用外計歲加派四百八十五萬又虧百七十

九萬矣至水旱之不時分數之不及臣未暇計也以前浮于
加派之外三十五萬今縮于加派之內百七十九萬二項共
虧新額二百十四萬又舊額遼餉五十二萬合應補入則山
海一路歲虧百六十二萬矣夫此百六十二萬也將仍間之
民間乎民生實難計天下正供九邊額餉歲入太倉銀庫約
三百四十餘萬今遼事加派至四百八十五萬視正供數則
倍且餘四此外缺餉百六十二萬則于加派見額又溢十之
三由今之道而無變計即令東師長伏不西向遺一矢而天
下已坐敝矣乞勅戶兵部總計之養兵補餉不病國不屬民
毋待其變而後圖之也上從之

許監主茅元儀赴督輔行營

戶科都給事中尹司臬以郡縣逋賦求嚴考成之法凡入考
成俱加等科算或降俸降級甚則削籍雖陞任丁憂俱究論
從之

甲午巡按貴州御史侯恂言安賊馮險負固我徵兵轉餉猝
未能得其要領以勾連黨與實有為之狐兔者故必滇兵下
盤江以斷賊之臂川兵出遵義以扼賊之吭粵兵進泗城以
衝賊之脅此全局也至目前急者一在屯陸廣蓋大方之正
路期會未齊不宜輕進當于乾溝劄佐分兵截守部署大軍
直逼陸廣使賊租無_收因相機搗剿則坐困之道也一在清上

衛普安久陷安莊一帶危同朝露然李希堯沙學華公魔小
醜得一大帥鼓行而前不走則就縛耳因駐鎮其間引滇粵
之師三面環攻則立威之計也一在守烏江遵義咽喉之地
黔督節制所不能及是川黔分而水蘭合也故必守烏江近
以招揀定溪散賊黨遠以連合綏陽白羊諸軍斷賊路而因
以進沙溪瞰大方為陸廣之應使賊首尾受擊則衝決之衆
也用兵計必需餉兼必需米乞勅楚撫刻催黔餉湖西湖北
從之

丙申命太常寺少卿暴謙貞勅旌韓莊王妃董氏及韓王賈
春節孝

錦衣衛指揮僉事項俊卿赴督輔行營勅孫承宗以胡官副
總兵王世忠領廣寧兵三千依虎西部易其糧料招撫灰類
魚皮金白諸部世忠乞俊卿為佐

丁酉安南祿州酋何悖入犯上思州圍遷隆崗掠憑祥白沙
村廣西巡撫何士晉擊敗之

己亥大學士史繼偕致仕進少保廢中書舍人

故遼東僉事 予祭墓謚

辛丑前禮部侍郎范醇敬以大計拾遺被糾于南京刑部郎
中得志奏南京御史王允成把持法司賄庇親屬允成亦叅
范氏貪橫不法諸臺省謂得志借題欲翻察典竟坐免

刑科給事中解學龍劾范醇敬子得志及工部尚書鍾羽正
南京戶部侍郎于任庶候補兵部主事盧承業上以羽正任
庶夙望不得輕言

壬寅少詹事駱從宇為禮部右侍郎左庶子趙秉忠為少詹
事國子司業蔡毅中為右諭德纂脩實錄

甲辰沅陵向學家牛生續一日二首三尾剖之一心三賢
英國公張惟賢等上光宗貞皇帝寶錄寶訓上表冕御皇極
門內殿受之是日受朝賀

兵部尚書董漢儒言樞輔孫承宗疏逃兵接踵可虞巡按彭
鯤化疏牛欄山新兵夜謀逃數百人陝西寧夏宣府各逃兵

而延綏所調逃七百餘人從青山口投北矣人情蠢動宜懸
嚴令購賞格報可

刑科都給事中曾汝台言張差一案終以發奸為是風癩為
非移宮一事移宮為是順從為非至于經撫喪師失地同犯
頭鼠竄又同則經撫同罪為是分袒尤右為非信史筆削弗
可輕也臣願刑垣立枷之法問一行之如假印者可耳倘臣
瑞宵士欲巧借立枷泄憤所傷不小報聞

乙巳豎紀兵道李仙品劄可訓報官兵于龍場壩盡焚奢民
巢穴崇明等無所歸總兵 率參將林北昂進兵楠木
坪白水崖斬偽官三十六級禽偽都司陳清等四人苗級四

百五十餘級又遵義路副將秦衍祚進兵茶園橫山等斬獲
頭目四人苗級三百八十餘級會德總兵王朝臣苗賊七十
九人綏陽路都司傅元勳攻白蕩毛臺斬獲大頭目阿獨獅
苗級二十一賊勢漸迫總兵李維新移古蘭趨各路兵
丁未外戚鄭養性至浙欲倚杭州巡撫耿庭柏言其非使命
擇居僻所

談遷曰鄭氏不過通籍掖廷依憑寵熖非鑿齒之兇也遷
謫外地亦足矣安在投豺虎禦魑魅哉疾之已甚末李太
抵如此

工部尚書鍾羽正辭

戊申辰州何占寧家生子猪身人足一日旋覽巡撫薛貞
以聞

已酉刑科都給事中曾汝言登萊海國也敵即兇悍舍鞍
馬而爭衡于舟楫雖至愚不為則登萊巡撫徹之可矣但擇
才望道臣鎮之佐以參將率兵五千聽東撫調遣天津去海
百二十里冒險深入兵家所忌敵未必來備亦不可少而彈
丸之地西建牙錢廣設道府將官甚費則督餉部院與天津
巡撫宜併一僅留才望道臣二員鎮守而分山海總兵一員
率萬人與永平道訓練至經撫位不甚懸言動易際今裁經
略獨用撫臣似不如澤一撫臣加以經略俾駐節巖關巡行

天津永平與薊遼總督屠嵩尤為得策其積畫諸人全無實
用亟宜擯斥命下所司

辛亥以實錄成監脩英國公張惟賢進太保廢監總裁葉向
高進左柱國兼尚書俸廕尚寶司丞韓爌支俸同廕中書舍
人何宗彥史繼偕孫承宗進少傅兼太子太傅朱國禎朱延
禧顧秉謙進太子太保文淵閣大學士並廢監已改向高左
柱國副總裁林堯俞進太子太保鄭以偉加俸一級周如磐
進太子賓客錢象坤加二品服俸纂脩官周炳謨張鼎進太
子賓客二品服俸董其昌進禮部右侍郎兼侍讀學士協理
詹事府朱宗道等各加俸一級

談遷曰光廟匝月所錄幾何當時董其昌獨成之福清稍
潤飾焉天寵游被頗逾涯分拘于往例不能越也

兵科給事中周之綱奏女穰大計其論郵政凡牌符內出或
奉某差或差某人為某事非駕司開寫詳明則木科不任受
或有遠年或有買托概收明登簿凡自外入如各鎮總兵之
差官紛紜四出諸王府內守備之差遣假借無馮偵其故在
各鎮凡一東鉞即濫請以出及送倩送借又濫假以入至王
府之執符驗則曰給之撫按符驗之易勘合則曰姑准換給
內監之用夫馬動至數百出京之執原數籍口傳單皆虛冒
也請自今撫按總鎮所請牌符若干仍遵往例事竣時存留

若干竝繳部送科並部符換給傳單濫用皆裁減可也命下
部議

癸丑督理遼餉戶部侍郎畢自嚴上言銜輝推官孟養忠運
餉于毛文龍仍勅諭朝鮮歸得篡立之詳李暉素稱仁柔李
侖其親姪也暉有疾令平山節度使李貴練兵五百赴王
京密約繼母王太妃舉火于宮侖率李貴領兵入救縛暉火
中併世子宮眷盡之侖遂即位馳誅平壤守臣樸燁等數其
暗通建州藉口以報中國也

甲寅夜有星自大角流入上台色青白二小星隨之

太監王體乾宋晉魏進忠梁棟王朝忠等十二人蔭錦衣衛

指揮使等秩視先年黃錦王本馮保例世襲奉聖夫人容氏
子侯國興蔭錦衣指揮僉事亦世襲兵部尚書董漢儒等言
武職非軍功不世襲外戚奉命世襲止許一輩載在會典先
朝李化龍郭子章江鐸以播州功世蔭葉夢熊梅國楨以寧
夏功世蔭李汶田樂以松山功世蔭始得錦衣指揮使或食
事其他千百戶之世及必禦寇俘斬者也今皇上第見諸人
勤勞可嘉成未攷祖制耳先年黃錦等例冊籍已考錦等後
人今亦無列錦衣者可以解諸內臣之惑矣吏科都給事中
程註等河南道御史汪泗論等各言之不聽
丙午宴監脩總裁官于禮部仍賜金幣

兵部尚書董漢儒憂去

廣東道御史李友追論削籍太常寺少卿姚宗文閱視之後
微詞隱刺使熊廷弼不竟其用薦王化貞斷送廣寧一劉國
縉為宗文師盜餉倖官一劉朝行邊為誅關撫一王猷挑釁
西胡為宗文蔽匿一賈繼春優待選侍為宗文挑激

辛亥右通政劉憲章為南京太僕寺卿河南右布政王豫為
南京光祿寺卿

大理少卿范濟世子告御史霍鏌劾濟世附賈繼春謬說上
不問

壬子故南京兵部尚書孫鑿贈太子太保廕監

甲寅登萊巡撫袁可立言今二月總兵沈有容以生員金應
魁所齎東師復州總兵劉興祚即劉愛塔密稟內應且求臣
免必加銜牌票隨給去有容于三月十三日率兵出海援之
其後續報皆云興祚七月來歸始四月間以金州濱海人民
徙復州以王丙之故致露將興祚并李永芳長子械去殺其
弟劉興仁及王丙屠城驅其餘及于永寧蓋州四衛已空其
三沿海四百里之地彼盡去之而不據僅遺西達十人當斯
時也東寧前住防之衆朝鮮助兵之初大兵出關東下旅順
犄角夾攻恢復可圖但須審勢耳

乙卯南京吏部尚書何熊祥終養

丁巳以玉牒成駙馬都尉侯拱辰子昌胤廢監

貴州巡撫王三善深入大堤洪紅烏崗烏芸部苗望風奔潰
奢社輝安位焚毀大方竄火灼堡安邦彥逃入織金三善遂
叱大方前被陷進士田景猷參將劉忠敏前鋒楊明楷得還
安位遣劉光祚赴鎮遠乞降總督楊述中許之今擒奢寅父
子自贖三善以元凶未窮嘗用勅為撫由是督撫議遂不合
三善駐大方日久邦彥令陳其愚詐降得參軍務織悉盡知
矣

八月己未朔安氏偽總兵何中蔚何應良陳勝八磔于市宋步
玉何年弟宋祖胤丁氏等十八人俘至京伏誅

內使上文進毆戴進忠死下司禮監餘付法司刑部尚書孫
瑋請從法司不許

莊士元葉市士元為鄭養性及內侍劉朝草揭者

庚申大學士韓爌求如同官何宗彥例移贈本生祖父少傅

上命特給

吏部左侍郎王舜鼎為工部尚書

朝鮮昭敬王妃金氏請封命廷臣議之

辛酉故禮部尚書徐學謨孫元啟乞補廕許之

癸亥順天府丞王惟儉為大理左少卿

甲子大星出斗魁犯狗國

乙丑發帑十萬金餉關門

右諭德錢龍錫為南京侍讀學士

江西按察副使林恭章為雲南右叅政

丙寅貴州道御史胡良機請罷內操慎考選裁徐州總兵

還蕭如薰主京營上以徐州總兵聽部議餘報有旨兵部覆

暫仍俟後從之

丁卯大學士朱國禎擇真太學

巡視布花禮科給事中郭興言以戊卒賞給布花愆期至正

月報竣將何以禦寒今後省直起解本年九月全完十月初

給散又該部歲賞諭二十萬臣謂戶部宜專委司官一同兵

部令各營衛印官預造年貌冊監閱從之

戊辰總督蔣遼尚書王象乾以諸部叩關請撫賞出帑金十

萬固寺金十萬給之

庚午命大理寺丞方大鎮勅旌蜀王奉銓及太平汶川二王

仍賜奉銓金綺立坊以捐餉助守也

故禮部尚書范謙贈太子太傅

辛未故貴州推官郭象儀子光先廕本衛正千戶世襲

甲戌巡撫山東兵部尚書趙彥選朝

南京國子祭酒黃儒炳為南京吏部右侍郎

乙亥光祿少卿呂純如為順天府丞

故滕縣知縣贈太僕寺少卿姬文胤子祭一壇立祠
工科給事中陳爾翼言浙事織造料價一百一萬五千兩有
奇今虧額三十七萬八千五百有奇乞于十八運減數萬或
每年暫停一運不聽

山西道御史吳姓請還故刑部尚書王紀御史王祚昌亦以
為言報聞

吏部會推刑部尚書王紀諭重慶首司餘各罰俸輔臣揭免
丁丑禮部尚書林堯俞言署會同館主事畢自庸呈稱須賞
兀良哈近五百人其賞有正有補有正補加添共計萬金乃
銀段衣服輒揀棄若不知為朝廷之賜職取而視之多朽蠹

破壞手不可觸始歎胡人驕悍國其天性抑誰實籍之口也
織造自有額價顧紕惡若此又琉球等國梯山航海而來正
使賜紅袍金帶從人賜靴襖等物更不堪寓目豈所以宣皇
恩而懷遠人也哉乞工部稽覈精好畫洗陋習上是之
刑科都給事中曾汝昌為太常少卿禮科左給事中周朝瑞四
川道御史張脩德為太僕少卿河南道御史馮三元為大理
右寺丞

四川鎮平堡地震

南京浙江道御史曹汝蘭言先臣薛蕙效忠先朝驗封臣徐
大相為乞表章皇上厭請乞之多遂蒙降調似不宜遲棄不

聽

順天提學御史左光斗言先年一月間遺弓再泣臣與楊連
力爭移宮已求皇上恩禮選侍疏實與賈繼春揭同繼春卒
披嚴譴迫連去繼春亦去又范濟世生平端謹祇緣引候繼
春剖心自明是繼春方出于借外而濟世不覺入于借中臣
所為惜繼春并惜濟世也至詞臣文震孟鄭鄞寺臣滿朝薦
科臣毛士龍銓臣徐大相均當召還上以瀆奏不問

禮部尚書林堯俞言朝鮮昭敬王妃金氏疏稱李瑄積為不
道淫侈忍虐蒸亂之穢行道掩耳而李侗無利國之心方厭
亂樂惟聽其言似可為李侗解矣然不有晉天之共主在一

介行李告于闕廷一廢一興誰曰不可而偃然易數十年之
舊君奄有三韓則又不能為李侗解也有請討者御史田惟
嘉也謂當討而再詰其詳登萊巡撫袁可立禮科都給事中
成明樞也謂不可不討而不可遽討督餉臣畢自嚴也謂令
毛文龍詰以大義察其輿情關臣潘雲翼南臺臣王允成也
謂瑄誠通敵則侗之立非篡者御史游士任也乃毛文龍謂
瑄實背德侗改其行誅黨惡助叛之臣臣等乞勅同兵部再
遣貞士信臣同毛文龍公集舉國之臣民再四細詢如李瑄
無悖逆通敵而李侗篡立則王法自在誰得而寬如李瑄自
絕于天親離衆叛李侗前不與篡弒之逆計後自值推戴之

公情當再議之以請聖斷從之

禮科左給事中周朝端請慎擇朝鮮使臣時錦衣衛指揮金

事張道瀟自請往朝鮮故朝瑞言之且及前益養志宣諭不

職狀章下所司

戊寅復懷仁王府輔國中尉克鮮爵俸初疏救劉光復

故四川副使贈光祿寺卿李繼周予祭葬

太常少卿胡汝政為右通政

己卯御史盧謙過庭訓為江西右叅政工科左給事中郭允

厚為湖廣副使戶科給事中陳胤叢為湖廣叅議御史林一

柱為廣東右叅議曹守勳為陝西僉事

辛巳命總督恭順侯吳汝胤等核京營

壬午余懋衡為南京吏部尚書曹于汴為吏部左侍郎時正

推李三才馮從吾不用輔臣以為言不聽

前右贊善李標為右諭德纂脩實錄

癸未禮科都給事中成明樞為太常少卿陝西道御史馮英

四川道御史張師益為太僕少卿

初御馬監以郊祀所用五方纓甲馬天啓元年疏請太僕寺

寄牧二千匹發監調習至是上將親郊趣之太僕知柳位事

之言御馬監有三千餘匹每匹用軍二人自萬曆以來費何

營數百萬而不以供一日之用何也上竟許千匹

左都御史趙南星申明憲職言臣無職也以諸御史為職諸御史皆稱職即臣之稱職彼出而巡方在舉劾得當舉劾之所以不當人務于市恩而莫肯任怨也不過曰此我之同鄉故舊不能惹也曰此權要之所託也是能報復不可動也不劾則須舉之又從而過譽之貪者熹于伯夷而酷者惠于子產則所劾皆貪酷而孤拙者耳又率多從寬故曰舉劾之不當以人務于市恩而莫肯任怨也臣請以後按臣差滿將所舉劾令河南道發單細訪類送堂官必舉劾允當而後為稱職否則即以不稱職論庶惕然猛省共圖百姓之安上大是之

御史劉璞劾冒濫唐事府禮部尚書蕭雲舉及光祿寺丞秦聚奎桂有根曾同升等上以雲舉兩朝講官令來供職餘下部議

九月戊子朔己丑故右副都御史李同芳贈工部右侍郎蔭監庚寅上視朝以實錄成賜輔臣葉向高韓爌何宗彥史繼偕孫承宗朱國禎顧秉謙朱延禧金幣麒麟服鞍馬有差兵部右侍郎余懋衡辭不任竟引疾去

戶部尚書陳大道致仕

辛卯御史游鳳翔言臣閩人也閩自紅夷為祟數年築城澎湖以脅五市及中左所登岬寇掠倖以講和愚我以回航緩

我今一年矣強敵入境可不為之寒心哉初紅夷寇六鰲砲碎官舟四十七艘殲三千人又戰于科羅把總丁贊外之敗沒千餘人遂困官兵于澎湖且六月巡撫南居益憂之或獻計曰彼水戰難敵若陸鬪則不如我而日本帥李旦固閩人誠招之則彼不為助可圖也乃遣黑鬼數人入海携石陰繫其柁因駕火筏燒之夷不能運舟而敗又誘之陸戰浹發銃即偃銃過鼓而前大敗之而李旦亦招至諭解紅夷去之壬辰刑科給事中解學龍言額餉當核額兵當清軍需當節馬兵當酌冗將當裁若合天下而講求之亦有可得而言者高皇帝時文官五千四百有奇軍職二萬八千有奇神宗朝

文官增至一萬六千餘矣軍職增至八萬一千餘矣今日又不知增幾倍臣以為主爵者肯細心商度凡可裁者裁之縱不能盡如祖制亦可歲得餉數十萬如布按二司其屯田水利督糧清軍各道可以相兼而理每司裁一二員同知通判設至四五員每官裁一二員首領官有三員有四員每府裁二員教官則府學裁二員州縣學裁一員裁官則省俸併與阜公費而省之乞勅撫按確查應裁之官若干俸薪輿馬若干阜快公費若干稽實冊奏每年隨京邊解貯餉部可也此文臣之可言者也餘及武職將兵吏役等上是之

癸巳戶科給事中陳良弼言防微于聖躬防微于詔今防微于諫議防微于人才上怒其輕率下詔獄

滇帥西路援黔將袁善出乎夷襲破土官營達于安南衛布政使謝存仁出黃草壩各有斬獲安南衛自二年二月被困至是始解

乙未左通政桂有根為太常寺卿

吏科給事中李春燁劾陶朗先任道撫五年侵餉十萬

丙申總督倉場戶部尚書李宗延還部太常寺卿南全仲為南京戶部右侍郎

戊戌陝西左布政吳士奇為太常寺卿

己亥吏科給事中蒲秉權以兵部侍郎劉日梧陞任逾年未

赴兩京部寺亦多累歲逾限請勅該部覈品酌用餘或加銜
予告或開缺另銓至司道郡守違限則參處從之

庚子太僕少卿葉茂才為太常寺卿尚寶司少卿麻僖為太
常少卿

刑部主事譚謙益薦楚黃異才宋明時秘授神符乞假軍師
之令築壇推轂有旨下兵部主事周維璉疏駁之言自古及
今未有使鬼役神而能破賊成功者毋今天下後世笑人宜
咨送薊遼總督試驗果有才略漸加名號出關未晚從之

辛丑太子少保禮部尚書林堯俞請定章疏之格惟據事直
書按人定論即多亦不過五六百字而止上從之

壬寅夜月食

太僕少卿胡世賞為寺卿

故四川總兵晉江黃守魁贈都督同知廕本衛副千戶予祭
葬以奢崇明之難

甲辰木星順行犯軒轅

鑄南京戶部監引印

乙巳初御史張素養按浙薦姚宗文印輔忠劉廷元齊琦名
等為臺長趙南星所糾奪俸五月至是素養諉之道府開報
南星言若然則有道府足矣何必御史巡方請吏部重論并
罪道府從之遂謫素養行人司副

前太子太保戶部尚書兼文淵閣大學士吳道南卒道南崇
仁人萬曆己丑進士授編脩在史局硜硜自好秉禮尤清執
丙辰典試誥誤被攻適艱去所著河渠志大政議贈少保廕
中書舍人謚文恪

壬子擒設科于霑益別寨去霑益六十里守備郝太極密計
欲圖設科以焚人段起麟可遣曲靖道右叅議王鏌叅將尹
啓易呂議往逐數月使其在別寨因夜襲之蓋安邦彥女弟
安效良弟效賢婦盜魁也

十月戊午朔己未兵部左侍郎李瑾覆萬曆丁巳以來延綏寧
夏甘肅九捷皆竒功也且告郊廟陞賞從之

談遷曰賞不逾時所以慰關臣而勵武節也自萬曆丁巳
歷今幾七年矣愁憐怨駸殆且半之始瀆郊廟叙陞賞樞
臣曰例也邊人曰河清可俟末季雖叙功吏卒未嘗有德
色也

辛酉乎遼總兵毛文龍報劉興祚之歿遣都司張盤潛師夜
復金州今欲擬金州圖三衛又滿浦昌城之捷斬百三十八
級俘四人總兵沈有容報三月內統師出海彼已棄金州不
守又報六月張盤風入麻洋島船壞寄居又報九月二日彼
偵金城有人襲殺二百餘人張盤向住麻洋島敵燬其城塘
報互異命核之登萊巡撫袁可立奏劉興祚事泄而金州空

沈有容以兵寡不可守而張盤入據開金州有人率衆逼張盤于麻洋島此金州復而不沒之實也上勅獎文龍賜百金蟒服勞吏卒三萬金

談遷曰張盤入金州敵所必爭島兵鼓行而前則金州可完而帥俱怯坐墮成筭而猶嘵嘵稱功珍救帚而寶破甑蓋蒙蔽者稔矣

鳳縣有大鼠肉翅無足足寓于翅之角毛黃黑豐尾若貂首若兔飛食黍粟獲之長尺有咫衡一尺剖腹粟幾一升

癸亥山東右布政李右為南京太僕寺卿光祿寺丞韋蕃為大理寺丞浙江右叅議錢春為尚寶少卿

叙平妖功進趙彥太子太保世錦衣衛指揮僉事賜金幣袁可立進兵部右侍郎楊肇基右都督廕本衛正千戶金幣半之李養正等三百餘人各陞賚有差

甲子袁善屢敗賊屯安南衛

丙寅廷讞李維翰楊錫李如柏等九人出入長安右門俱令人持械鎗上聞之刑部郎中余緄訓主事洪聲遠副兵馬段杲張新聘竝降謫

己巳皇長子慈熒生旋殤中宮出

禮部尚書林堯俞言謚典五年一舉自萬曆丁巳至天啓二年例應訪採會議從之

禮部尚書李宗延言也田太僕寺兼御史董應舉稱畿東地
地極多亦易為效所領帑金開荒止二萬餘收麥黍稻見五
萬五千餘石黑荳粟雜糧及涿州水旱子粒未報明效已見
臺省交章請加節鉞命加巡撫銜

辛未大學士葉向高請今歲郊祀宜停刑未許

談遷曰萬曆初命停刑張文忠力爭之而止天啓初債將
贖臣方弁髮王鉞輔臣反陰為之地馬何也豈真帝德好
生耶

壬申日講官禮部右侍郎周炳謨致仕

癸酉少詹事趙秉忠為禮部右侍郎直日講

尤都御史趙南星為吏部尚書

前太常少卿陸卿榮起南京

甲戌葉向高復請停刑

貴州總督楊述中奏副總兵左世選破安氏碗蛤壘羊雀壘

浮斬千二百餘級獲人畜止篋

大理寺丞毛一鷺為右少卿

乙亥京師地震

南京太常少卿岳元聲為太僕寺卿尚寶少卿劉定國為太
僕少卿

丙子葉向高等固請停刑許之

丁丑轉漕粟十萬石餉毛文龍

已卯皇次子慈愍生慈妃范氏出

癸未上告太廟已刻日生重暈暈旁生左右珥

徵戶部二十萬金同金十五萬光祿寺順天府各五萬頒賞
乙酉戶科給事中陸文獻言光祿寺見金五萬五千有奇今
徵五萬寺臣何喬遠銜命不敢盡進不得已進三萬金猶未
蒙俞旨望皇上矜允命所司議之

雲南巡撫閔洪學言粵之外尚有蜀會川一徑自金沙趨建
昌計程半月可達誠不若粵土司界中遲險數旬然蜀止會
川一隙而粵西田州歸順泗城安隆在在可走乞粵蜀並開

如門其南麓入海可為堡屯萬餘人而北之孤起者曰望海
圈固臺也南接覺華島各駐一軍則水道可絕又次日出寧
遠二十里至雙樹堡又十里至連山堡又十里至單笠山其
巔可立為砲臺望大紅螺可百里香山則三十里其近則西
去九窰衝九百步東南去鎮接堡三千六百二十七步而海
環其三面又東南有徑而險臣于先一日期金冠會於葫蘆
套套在鎮倭臺南而臣從陸冠從水議于套設水信特令冠
習風色以便策應而瓦窰衝東有東寧伯焦禮所為寺可設
伏以西應沙河北應椴木衝東南連單笠山以及于海又北
為塔山即中左所在象高之下又東北為香山亦平行無可

守繇概木衝而西北為紅螺山迤邐東南抵威遠山後其東
接康家臺山折而東南為蠟子山遂至首山其與玲瓏山相
夾處當大道之衝可立關城名以寧遠北接蠟子山中有平
原河水環其前可為堡西北直接康家臺撫臣從臣初議仍
置安山灰山于中灰山不可煨灰而隨在有石有薪其西擬
威繼光脩薊門法為臺垣以收此二百里為內鎮而山海不
覺在重垣之內矣總之以脩築因遠山以策應因遠海以守
土因遠人以養人因遠工以斟酌遠近分布控扼因後先遠
之大吏臣去歲商度惟有開屯一法可因土食民令總計五
城十三堡兵民不下十餘萬田可五千餘頃臣與督撫許以

道從之

閏十月丁亥朔督師大學士孫承宗言若失遼左必不能守榆
關失覺華寧遠必不能守遼左臣敢再閱三百里情形以悉
守之略臣九月丙申出關東過八里舖抵中前所兵共千五
百有奇士銃馬壯居人可三千又一日抵前屯其協將趙率
教遠望其穫田表畷若鵝鵲之群百千欲來登其陴城且歸
然力能使其人勞而不怨兵民可六萬更勇于公戰奪胡騎
四十二折其首首者三使東人跋跋不敢踰固將材也又一
日抵中後所又一日抵中右所中後所城工不加前屯而砲
火器具俱精堅且地饒多賢兵民不下萬餘中右地饒于中

後城內築可三面又一日抵寧遠臣初以寧遠去關愈遠去敵愈近且城大而瑕地廣而荒姑以祖天壽司版築汪蒼司窰造後先接河東之人萬餘合兵民不下數萬登城四望生氣鬱然因思為國家遠計則此城為必爭之地又次日向覺華島去岫十八里而近地瀕海而肥可屯登岫之兵次日遍歷洲嶼西南望榆關在襟佩間獨金花之水兵與運糧在土人附夫山之溝而居蓋水陸要津也其舊城遺跡可屯兵二萬臣先令龍武兩營分哨覺華特于山巔為臺時眺于數百里外次日還寧遠又次日閱湯泉亦可屯兵然不若望海臺北望首山旁之黃毛山南望覺華之棘鞬口劉家山相對

帑金買牛其地耕具糧料俱為儲蓄仍令胡維寧趙佑同各城堡官大集舊人覈其原隰肥磽伍士多寡之數民力能占種者許以三年起科又督撫諸臣議因煤鑄錢因地煮鹽因船通用物皆關門稍行之而效者巨繇連山回遂任前屯凡戰守之具足關門之用則漸移于外待前屯既備使可以備前屯者備寧遠矣上大是之初奉宗至寧遠同監軍袁崇煥王事鹿善繼力主守遂任滿桂鎮之叅將高見賀謙祖天壽築城明春期竣

辛卯吏部左侍郎蕭雲舉為禮部尚書署詹事府太常寺卿署國子祭酒南師仲為禮部右侍郎協理詹事府右庶子黃

士俊為詹事施鳳來為少詹事

神廟清惠順妃李氏祔葬銀錢山恭順榮莊端靖皇貴妃
壬辰兵科都給事中趙時用言濟點楚餉額欠五十餘萬宜
責成楚撫及楚藩司暫那借轉發又所調河南諸士兵狼子
野心不可倚信宜如粵撫何士晉議止用板角安龍西路官
兵間道以分賊勢而遵義為水簡之衝須重兵扼之大兵則
入陸廣漸偏賊巢今未可遷撫也命部議

乙未大學士葉向高擬恩詔請復降謫翰林科道各官如文
震孟鄭昂毛士龍侯震暘熊德陽賈繼春江秉謙七人上以
震孟難遽釋

福建道御史周宗建論銓政用人之途宜闢用人之路宜清
用人之權宜專用人之法宜一上是之

御史劉維忠等言門軍教百寮辱御史趙廷慶宜懲治命速
核

南京兵部尚書陳道亨言陳鼎相以女適齊庶人屠煜鼎相
自負知兵法謂屠煜齊王苗裔足聳動天下謀舉兵幸鼎相
母叔兄弟發之并執屠煜以聞

沅陵民家牛生犢二首三尾又民家產瓜人足隻目旋斃
戊戌刑部尚書孫瑋為吏部尚書署左都御史

張邦紀為禮部右侍郎清黃

兵部左侍郎張經世為戶部尚書總督倉場巡撫天津右副都御史李邦華為兵部右侍郎左僉都御史鄭三俊為左副都御史

平遼總兵毛文龍報涼馬佃牛馬之捷斬三百三十五級賜金蟒勞軍三萬金

己亥宣延綏寧夏甘肅之捷告郊廟

山東道御史劉惟忠為太僕少卿福建道御史彭際遇為大理寺右寺丞

庚子兵部右侍郎劉日梧予告以給事中蒲秉權劾其逾年未任也

辛丑太僕少卿侯執蒲為太常寺卿光祿少卿彭端吾大理左寺丞楊鶴文選郎中李逢節並為太常少卿尚寶司少卿錢春為太僕寺少卿

壬寅以皇子生赦天下詔曰朕惟自古帝王續圖綿曆率隆胤祚以重宗祧朕以眇躬紹承鴻緒夙夜祇念皇祖皇考諸祉垂庥詒孫翼子所望早昌嗣續以慰在天之靈蓋三年于茲乃荷皇穹眷祐九廟居歆以今年十月二十二日皇子誕生繫皇貴妃范氏出嘉慶集于邦家懽悰洽于億兆肆頒渥澤誕被多方應有恩條開列于後云云於戲震得男而應索道開長發之祥巽申命以疏恩用佐維新之政布告天下咸

使聞知

甲辰工科給事中楊所脩言河上祖陵之衛宜周海上接應之議宜急仕路澄清之要宜審報聞

乙巳禮科給事中郭興治言吏治之壞繇勸懲之不明貪饕之輩至賊私累萬而處之降調其孤高介特耻效營求而忌者反以為矯激排擠中傷如禮部主事程國祥兩令嚴城家徒四壁而凶人視為當門之蘭兵部主事劉永基兩仕縣令無苞苴無贖鍰竟不行臥如廣東羅定道副使張大猷昔權關許野節省七千餘金而沉滯蠻烟瘴雨之地且正學粹品之馮從吾清風高節之卞承憲而不用如察典久應之蔡獻

臣未斥蠹餉悞國之何棟如未罪烏足以清仕路而神激賞哉事下所司

戊申河套卜失免阿不害等貢馬

翰林編脩侯恪等頒詔各藩尚寶司少卿陳元等頒詔各省直

戶科給事中孫紹統言銓政宜準祖制以京堂言之冗制南北各正卿一少卿與丞或二或三總計不過三十員自起廢之途開一概添註大賢起老庸亦起九奸大貪一察再察者亦起有一署至二三十員而京堂之制失以部屬言之部員職掌亦自匪輕祖宗朝題准戶刑工部司屬無故不得輕調

使聞知

甲辰工科給事中楊所脩言河上祖陵之衛宜周海上接應之議宜急仕路澄清之要宜審報聞

乙巳禮科給事中郭興治言吏治之壞繇勸懲之不明貪饕之輩至賦私累萬而處之降調其孤高介特耻效營求而忌者反以為矯激排擠中傷如禮部主事程國祥兩令嚴城家徒四壁而凶人視為當門之蘭兵部主事劉永基兩仕縣令無苞苴無贖鍰竟不行取如廣東羅定道副使張大猷昔權關許野節省七千餘金而沉滯蠻烟瘴雨之地且正學粹品之馮從吾清風高節之下承憲而不用如察典久應之蔡猷

臣未序蠹蝕悞國之何棟如未罪烏足以清仕路而神激賞哉事下所司

戊申河套卜失免阿不害等貢馬

翰林編脩侯恪等頌詔各藩尚寶司少卿陳元等頌詔各省直

戶科給事中孫紹統言銓政宜準祖制以京堂言之冗制南北各正卿一少卿與丞或二或三總計不過三十員自起廢之途開一概添註大賢起老庸亦起九奸大貪一察再察者亦起有一署至二三十員而京堂之制失以部屬言之部員職掌亦自匪輕祖宗朝題准戶刑工部司屬無故不得輕調

若勤慎者與吏禮兵部一體序選部分何嘗限人不謂厭薄于此覬覦于彼而部官之制失以臺省言之祖制三年一取二年二取俱見缺取用今需次候缺多至二年少亦年餘而行取之制失以撫臣言之神宗朝令各巡撫官歷任年久方許推陞今席未煖而推已至功方新而旌又移而撫臣之制失以司道言之陞轉太易脩臬修藩近且人人熱心京師矣不知世宗朝僉事遞陞副使按察使叅議遞陞叅政布政司不必驟更數易者何居而司道之制失以府州縣言之神宗初年題准守令以兩考為主知府歷俸六年上下乃得陞遷近來知府有三年即陞至于州縣有三年兩調而郡邑之制

失所望掌邦治者為定功令而後外官始各脩實職地方始受實政也章下所司

工科給事中方有度言今日生財之孔已盡惟有節之一途言節必自宮闈始今宮闈之年例日取其盈海宇之物力日受其縮如慧妃冠冊之內辦順妃之祔葬節省已見于天下矣尤望益弘儉德擴而充之于百姓不聽

庚戌陝西三邊總督李起元為南京戶部尚書太常少卿楊漣為左僉都御史大理右少卿翟鳳翀為右副都御史巡撫山東

辛亥吏部尚書趙煥言干進之害居官者皆欲得京堂薦賢

者皆欲其為京堂南京堂即欲巡撫甫巡撫即欲卿或若純
無救民之意者夫可以救民莫過于巡撫其次則知府最急
知府賢則縣官不敢害民二者官有大小皆互選擇破格而
用之久任而擢之也上是之

御史楊建烈劾順天巡撫岳和聲白馬關失事及賄受將吏
不問

叙畿輔平妖功保定巡撫張鳳翔進兵部左侍郎世錦衣百
戶天津督餉戶部左侍郎畢自嚴進右都御史兼戶部左侍
郎天津巡撫李邦華已陞任仍加俸一級各賜金三十幣二
來斯行等各遷資有差時議天津二撫歸一命畢自嚴兼巡

撫

癸丑協理戎政左副都御史朱光祚進兵部

甲寅廣西道御史宋師襄論熊尚文病廢周應秋無骨表可
立無功皆當去不去須之彥夤緣轉調呂純如傾害竇子佩
不當來而來上不問

御史張應辰劾何棟如盜餉八萬有奇關臣梁之棟勘明違
問在去年季冬迄今延飾何也

乙卯雲南地震

四川仁壽縣長山裂長七里衝三尺深不可測

復善安新興

十一月丁巳朔冬至上南郊還御皇極殿止宴貢使于左闕門

戊午御皇極殿受賀

慧妃范氏進封皇貴妃

己未推恩戚畹太子太保新城伯王昇進侯子錦衣指揮僉事王國興進指揮同知從子國泰正千戶都督同知張國紀進右都督指揮使王學段黃彛並都指揮僉事皇貴妃范氏弟錦衣衛指揮僉事范守仁進都督同知守義指揮僉事葉向高進上柱國兼支尚書俸廕尚寶司丞韓煥左柱國兼支尚書俸廕中書舍人何宗彥孫承宗並進少傅兼太子太師朱國禎顧秉謙朱延禧進少保兼太子太傅魏廣徵進太子

太保文淵閣大學士竝廕監

庚申右庶子唐大章改左庶子右諭德林欲楫為右庶子並署坊印右諭德張廣為右庶子南京國子司業葉燦為左中允編脩劉鴻訓起右中允

辛酉工部左右侍郎周應秋熊尚文俱予告

甲子刑部左侍郎喬允升為刑部尚書

保定巡撫兵部左將即張鳳翔回部署右侍郎事

監軍布政使謝存仁右叅議王鏐副總兵袁善會于善安一日夜進八納山斬渠帥尹王保

乙丑慶陵饗殿成

丙寅推恩日講官鄭以偉錢象坤並禮部尚書兼翰林學士
協理詹事府趙秉忠進太子賓客二品服俸成基命為少詹
事兼侍讀學士姜逢元王祚遠竝左諭德兼侍講正字張邦
經改光祿少卿傅應星進禮部儀制員外郎王讚工部虞衡
員外郎餘如故

丁卯禮科左給事中魏大中言臣與同官彭汝楠辦事該科
有監生陳宗虞乞父子貞廕葬子貞官四品已蒙例子祭請
葬請蔭事屬違例且例所應得未嘗不參考生平汝楠謂子
貞撫閩汎海之役開洋舉砲自焚厥師致疾沒而臣憶子貞
按閩時候官令以淫黷撫臣許孚遠劾之子貞薦之公論不

與政卹典條例所云例雖應得而行業無稱勛勞未著者也
予祭贈官已踰涯分可肆無厭之求耶章下所司

寧夏巡撫右副都御史李從心為兵部右侍郎兼右僉都御
史總督陝西三邊軍務

張國柱嗣安鄉伯

故河南巡撫右僉都御史李思孝贈兵部左侍郎

庚午萬壽節雨雪免朝

吏部請考選續至諸臣上命遵三年一考之例吏科都給事
中程註署河南道御史袁化中等奏明旨慎考誠當而侍考
非宜未聽

吏部尚書孫璋進太子太保

甲戌慶成王敏漢薨長子求綸攝府事

陝西寨平諸番族羊加保等貢馬

初任子一品授中書舍人二品三品授五府都事各幕其五
府各幕三四年並遷主事員外郎獨中書九年滿考遷員外
郎中書舍人沈恭詠言其不平命以後俱五年序遷

哈喇慎部目朗素貴英糾三十六家挾賞謀犯中右所恭將
王極行邊至仙靈寺遇伏以之兵部尚書趙彥請下督撫覈
所殺者革所賞治罪而後許之撫賞如故

乙亥貴州巡撫王三善出師抵大方賊走白兔大箐據險負

固佯乞降實求緩于各土司逆黨陳其愚妄邦彥兄邦俊之

以友目把中大猾也偽降三善輕信之與恭軍事又久居大
方欲群縣其地于是諸土司有狐兔之悲思助之矣

丙子禮科都給事中惠世揚為太常少卿

兵部尚書趙彥奏山海關總兵馬如龍報回師人云敵造西
之囉囉車三千餘輛傳衆牛鹿頭目每家作西邊衣帽款借
西路往喜峰臣等以敵既得志何嘗一日忘西窺之心令西
達羅守口稱兵挾賞而東報適至始知西達之款不可恃也
今關門有南北官兵十三四萬不為不多矣宜及時選銳以
某將為前鋒某為奇兵某為援兵皆責之衝鋒破敵又擇善

守者以其將為正兵守輜重某守關門某守隘口皆責之盡
地固守此分布兵馬之當豫者一也昔遼廣之失守絲人心
不同今關門三大將薊鎮二大將皆一省人傑宜以忠義感
動大小將領上下固結俾人人知忠君報國之義此固結人
心之當豫者二也自有遼事以來人謂敵強我弱不知彼之
必勝者膽壯而力強我之不及者膽怯而力弱也五大將當
宣諭各官軍奮勇力戰共建奇功進而殺敵陞賞立至齊心
戮力何敵之不可破此鼓舞胆力之當豫者三也山海綏絡
固天設之險而三協各邊皆層壘疊嶂亦天之所限華裔者
其水口空缺某最衝其次衝令處處有備至喜峰口為入貢

大路敵所垂涎兵不滿于何時以禦敵寧通州天津各調騎
步兩營各用南將領赴喜峰口防禦聽王威調遣又須三協
大將躬行調度中協則總兵王威移喜峰口西協則總兵孫
祖壽移古北口東協則副將移柘林界河口至明年二月終
而止此固守險隘之當豫者四也我欲知彼情形全在哨探
尖夜不可尋常泛差須擇志勇之士厚于身家十倍于營軍
仍給衣物則偵令結敵之左右敵之聚兵營在一月前某日
統領某枝入犯先期探報我得扼險堵截哨探得實准首功
陞賞以勵其後王薊鎮臺兵始于戚繼先皆義烏北丁敵所
懾服而不敢動今改募北人成法盡廢營仍募南兵哨守庶

有備而窺伺不生此哨探守臺之當豫者五也敵兵正銳難
以力爭我兵未練當以計勝五大將各派兵分地堅壁固重
勿遽與交鋒故疑以擾之多方以亂之使進不得戰退無所
掠頓困數日銳氣漸衰乃潛師東渡五大將各分兵擊其惰
歸勿輕視予一擲關外之遼民衆矣兵馬多矣戰守不可知
倘有潰散情景巖關不免動搖宜統軍前各處堡有城墜糧
足及覺華島可以保守者量收餉其中固守勿戰以待大兵
堵截或也堡不能盡容者可徐徐收入關內毋得驚惶以悞
人心此堅壁清野之當豫者六也三表五解自古不絕惟在
我之兵力強盛撫賞得法舊賞不減新賞不增彼此相信內

外謐寧此撫北伐謀之當豫者七也毛文龍提孤軍于海島
牽制三年矣出奇設伏屢獲大捷亦敵之所畏朝鮮權國事
李倅以李瑄通敵為名攘奪其位今請命天朝願報効宣降
勅發登萊撫臣差捧至朝鮮令發兵數萬同毛文龍列營于
附近海島間不時出疑兵奇兵以擾之密加哨探伺彼動靜
如有過河即搗老巢以攻其必救此海外牽制之當豫者八
也上從之其李倅暫署國事下禮部即議

談遷曰樞部豫計非不犖然可行竟實效安在哉一條列
一題覆謂其職已盡此外任當事自為之不必問亦不條
問也餘人皆然習紙上之績仇局中之規天下事不釀至

極清言所抵哉

督師大學士孫承宗以王極失事誅逆將周繼武等十九人
因求免不許

丁丑吏科都給事中程註言天下最急莫如遠左而剽門其
咽喉也次莫如滇黔而偏沅其門戶也頃督臣王象乾以憂
聞銓臣議推補忽馬中止以樞輔躊躇鄭重將議撤馬意謂
勦撫原自一局未有專操必無異議識者疑之但督撫得其
人未必不資樞輔之力若之何自撤藩蔽也偏沅總督已予
告而議尚未定或欲去督而專撫或欲去撫而專按臣然偏
沅有撫舊矣曩征播州以支可大綏鎮後用江鐸事急則設

事平則止不獨固楚之圍而正以壯黔之援今黔中告急風
鶴皆驚數百里犷悍之苗非一中丞鎮撫其間何以恬然受
我戎索哉章下兵部

吏科給事中郝士膏言京堂添注太多晉陟無地計實俸滿
歲則放假回籍遇巡撫卿貳缺出拔才望而用之監司缺少
率虛占于例轉之官慢君命悞地方此不可訓也宜自命下
為始逾歲不任吏部徑作缺另補而本官仍請旨處分得旨
京堂填壅因推陞太多以後始例陞轉毋徇情濫推其方面
不到任即作缺另補不必一年

川師入龍場奢寅中創而遁擒奢崇明妻安氏弟崇輝及偽

大學士蔡金貴偽經略李偉偽左丞相張問極偽總督王承恩等斬千餘級

戊寅督理屯田太僕寺卿董應舉進右副都御史

巡按直隸御史潘雲翼言督臣王象乾以憂去請代朗素糾令各家時躑躅于關外聞其不受戎索人又皆歸咎于撫伏祈諭象乾仍安心料理俟得代面相揚推方許離鎮從之已卯戶科給事中朱欽相請薊鎮據險脩邊其地形不外三等曰山梁曰平地曰水口在山梁宜剷崖削峰在平地宜掘溝開塹在水口宜安木城架火砲其守牆也不專恃牆而有險以衛牆其設險也不專恃險而依牆以據險上是之

巡按貴州御史侯恂言舊撫李標迫取安邦彥金盆事非實乃御史蔣允儀風聞之悞令允儀回奏允儀再疏詆標命廷臣議奏

朝鮮陪臣禮曹叅判趙懌等進龍文簾席等入賀萬壽及冬至節賞賚如例

總督貴州兵部右侍郎楊述中免

壬午工部右侍郎蕭近高改左侍郎太僕寺卿高攀龍為刑部左侍郎大理寺卿饒位為工部右侍郎通政使吳用先為添設右侍郎督理門工

太常少卿王洽大僕卿程正己魏雲中左通政徐良彥為巡

撫右僉都御史冷浙江正已保定雲中寧夏良彥宣府
貴州巡撫王三善劾援黔總兵麻鎮援黔避粵借募侵餉運
留觀望致悞圍城上命逮之

保定巡撫張鳳翔言保定舊七營各不過千人練兵營則抽
各營二三百頭緒紛紜于是并為五營可裁僉書一真定亦
七營各不過千三四百人練車營則抽各營亦三五百亦頭
緒紛紜于是亦并為五營餘官皆裁每營中軍一把總領五
百人不設千總兵部咨到加銜官共二百四十餘員止考留
九員上從之

甲申追封皇長子慈熒為懷冲太子

乙酉錄川貴搃巢解圍功進朱燮元右都御史兼兵部右侍
郎舊督揚述中陞倖一級進王三善兵部右侍郎兼右僉都
御史薛貞右副都御史餘進秩有差

恩廢諸大臣尚書吏部趙南星孫瑋戶部李宗延張經世禮
部林堯俞兵部趙彥刑部喬允升工部王舜鼎侍郎曹于汴
王圖戶部陳于廷禮部錢象坤周如磐張邦紀汪輝兵部李
瑾高第朱光祚李邦華工部周應秋熊尚文都御史鄭三俊
大理卿饒位太常卿洪世俊胡克儉胡世賞侯執蒲林熙春
盧大中曹珍太僕卿黃運泰程紹饒伸柳佐王之案丁啓濬
光祿卿洪翼聖何喬遠郝名宦李本固南京尚書沈懋炳侍

部請近高太僕卿董應舉光祿卿魏時舉並得詹准送文選
司

十二月丙戌朔遼東巡撫張鳳翼言今日請勅該部以收拾人
心為第一義遼官無祿者准舊餉補支遼士無歸者准前衛
設官署事遼人陷敵求還者准撫賞內齊贖凡指揮千百戶
文武生童及各被掠男婦行關內關外寧前各道查明安置
更慨發軍需以資急用原設遼東每年馬價求查發市馬從
之
泰寧三衛炒克等貢馬頒賞衣段靴襪至是並求折價禮部
為請從之

工科左給事中楊維新言屯田董應舉報收紅白稻一萬五
千餘石今關外缺餉當本色抵新餉聊濟斗米四錢之厄從
之

丁亥貴州巡撫王三善會師十萬于明宗渡分五路道臣岳
具仰等監之值賊敗之遠渡河復渡烏江七戰皆捷

戊子御史蔣允儀巡按陝西魏光緒巡按山東高推巡視京
營

己丑辰刻金星順行晝見于寅位

故應天巡撫右僉都御史王象恒浙江巡撫右僉都御史劉
一煨其子竝乞祭葬部覆許之禮科左給事中魏大中言僉

都御史四品會典無予莖之例上命停給

戶科給事中朱欽相議裁登撫名孫宗承暫歸歲一巡行以
警動將吏四十七年以前逋負盡與民蠲免盜餉如陶朗先
何棟如梁之垣等駐私巨萬絕不見分毫宜行撫按嚴追上
以輔臣需名不得輕言餘俟部議

命點國公沐昌祚協撫按飭理其孫啓元母預兵事初巡撫
閔洪學言援黔屢命一曰沐昌祚再曰沐啓元臣見昌祚筦
鎮之日久矣持重是其所長據鞍累草有其心不必有其力
似朝論倚之太重屬望過殷也啓元一釋妄人耳軍國何事
而輕以付之二月邸報得沐啓元援黔之旨鎮臣感然曰必

用啓元事將大壞巡按羅汝元亦言之故有是命

庚寅刑部右侍郎牛應元爲左侍郎

辛卯董應舉進右副都御史督理順天屯田上言屯田其難
十倍其利亦十倍何也收而安插遼民是欲藉遼民以屯也
屯于直隸天津至山海是爲京師護左臂也藉遼力以屯是
以賑救當召募不虛費其銀于賑爲京師護左臂是以屯政
寓政令不別費其銀于募比之古將帥屯田有兵可用者其
難十倍若成功其利亦十倍何也救流民使不生亂一也左
臂厚京師益安二也溝田槎牙因成地網列樹參差胡騎不
得長驅三也農隙講武壯聲遠暢敵或弭心四也關兵弱脆

居民惶駭有屯助其聲勢安固其心五也于屯田處毋錯敵臺
寇至則入保烽火相屬易達京師六也屯衆收多米草之價
自平國餉不匱七也漕運艱難屯田稔歲令漕民就糴可省
其疲八也民不疲勞天下不亂九也屯事既成用不募之兵
因不漕之粟人不畏敵兵不虞飢進可戰退可守十也此如
何功力而令臣不才任之乎臣聞忠臣受任必計成功老成
苗國必慮大費今以遼民數十萬鬻妻子接衣食其情至慘
一聞安插之令所在擁集其費必大安插一户須土室牛種
田器穀食皆具而後可耕二百家一敵臺大小相錯兵械必
具而後可收保有耕作之資而無收保之所寇至棄之屯事

不成故欲得其利必督其功欲督其功必給其費不知朝廷
有以應此乎有以應而後臣敢任無以應集者 置置必亂
臣將無以自明臣不敢任也且既有屯田御史又以昇臣一
柄兩操遼民既有經略總督請賑又命臣安插一民兩恤安
插之事須與郡邑相關衙門新設必有分任之官聽用之人
俸糧工食于何處給察地供糧于何責成一有阻格勢必難
行權不能行之郡邑臣亦不敢任也今臣受命候勅候關防
則種期已過必須給食至明年夏所費益衆私計安插遼民
一萬農房牛種器械教臺須五萬餘兩月給穀食至明年麥
熟而止亦須五萬石安插二萬須二十萬有奇明夏以後麥

米自給乃可省此而籽粒猶不能入官後年秋夏熟乃可計
畝輸糧輸稿結為關餉用朝廷費二十萬銀兩待輸于兩
年之後議者必以為遲臣能終其事乎臣愚欲十家為保保
有保長十保為聚聚有聚長十聚為連連有連長四連為帥
帥有帥長而後統以屯田分司歲一課殿其有作奸蔽奸鼓
衆煽亂寇至不入保入保不嚴守者須用旗牌行法又須立
中軍參將守備把總等官乃有次第法可施行否則臣亦不
敢任也

客氏及太監王體乾宋晉魏進忠梁棟史賓張文元李實王
朝忠劉應坤安進各世錦衣指揮僉事

前江西副使陳幼學為南京光祿少卿
尋甸知府周仕國進苑馬少卿署雲南府事

壬辰孫承宗言今當裁經略仍以兩撫主之總督時一問馬
臣當罷遣如不欲臣離關請且不推經略不推總督以臣督
兩撫以防欺撫臣居密雲居寧前又言登撫未可遽裁登鎮
仍當早計上是之

癸巳登萊總兵沈有容罷以楊肇基代之即裁東兗總兵該
參將

禮部尚書林堯俞言朝鮮李倧乞先頒勅令登萊撫臣遣官
同陪臣至其國令受王號仍發餉資毛文龍恢復有緒始遣

大臣持節冊封庶幾字小之仁不失固圍之道從之
談遷曰李侗弒叔既不能討又封殖之非制也設高皇帝
時閉關絕使必矣建州逆命若拒三韓之好勢且淪入于
建又計之左也力不並其權從其請非窺隙而有所動乎
甲午勅華陽王至德鈐束諸宗以專城男居且漸近蠻洞故
也

延安督糧同知改捕盜衛駐黃龍山

吏部右侍郎曹于汴予告

禮部左侍郎李騰芳改吏部光祿卿何喬遠為通政使太常
卿林熙春為大理寺卿

錦衣左都督駱思恭廕百戶以緝奸功

錄延綏甘肅寧夏功文武臣楊應聘等二百九人臧爾勸等
二十四人祈伯裕等百八十八人陞賞廕恤甘肅巡撫進太子
太保廕錦衣正千戶巡撫徐養量進南京兵部尚書攝左侍
郎事廕副千戶並世襲甘肅總兵李懷信進左都督需用世
副千戶先後總督楊應聘原廕錦衣副千戶今進指揮同知
劉敏完進太子太保需召原廕正千戶加一級李起元進太
子太保世指揮食事陝西巡撫金忠士原廕錦衣指揮食事
加一級陝西總兵官秉忠原廕本衛正千戶加一級寧夏巡
撫臧爾勸進兵部左侍郎廕錦衣百戶總兵蕭如薰贈都督

同知世本衛百戶先後兵部尚書崔景榮進太子太保原磨
錦衣副千戶加一級黃嘉善進少保原磨錦衣正千戶加一
級張鶴鳴進太子太傅原磨錦衣正千戶加一級並世襲餘
叙錄有差

乙未協理京營兵部侍郎朱光祚遵旨請改勅章先是京營
設兩協理一侍郎一副都御史及協理缺廷推副都御史朱
光祚為侍郎陳道亨為副都御史各協理上改道亨別用故
光祚以新銜改勅約右副都御史勅協理戎政都察院關防
丙申江西道御史高推論舊樞黃嘉善張鶴鳴失事狀今延
綏叙捷世磨何計而處此上不問

南京御史陳本言滕縣妖盜後有數千人歸里有司猶苛求
之致數千人攘臂而去宜申招撫之令黔蜀之難將官掠子
女相遺宜定劫掠之罪章下所司

恩典及錦衣衛官駱思恭進少傅兼太子太傅王世盛都督
僉事李不矜都指揮同知史世載都指揮僉事楊汝敏指揮
使俱仍任進張懋忠右都督楊汝華都指揮同知俱僉書張
道濬指揮同知吳堯年都指揮同知沈光裕都指揮僉事劉
僑都指揮同知各仍任萬邦孚都指揮僉事南鎮撫司僉書
工部右侍郎蕭近高予告

丁酉吏科給事中許譽卿言年來爵磨太輕紀綱日替兩朝

登極皇子誕生三品京官以上人人延廕至錦衣世襲非軍功不得而今保母閹尹之流紛紛傳奉兵部不敢執爭故曰爵廕太輕也奪官餉半出于迺兵脅柱史即起于轄卒所尤異者內監李實之叅楊姜也實雖奉勅督造欲五品府官俛首姜必不甘實疏入則有提問之旨撫按疏入則有庇護之旨故曰紀綱日替也上欲重謹譽鄉以輔臣揭救奪俸半年戊戌京師地再震

己亥陝西魯班七寺喇嘛僧林鎮桑卜入貢方物

初韓城妖人劉買得幼時左臂有痕自云團龍因糾黨署偽官巡按御史高弘圖捕獲之又盤屋鄆縣妖人俱擒巡撫孫

居相上其事命叙撫按呂兆熊高弘圖等

庚子黃立極徐光啟為禮部右侍郎充纂脩副總裁右庶子林欲輯右諭德李標右中允楊景辰理詔勅

辛丑兵部尚書趙彥言開路通滇之宜封疆之事議創不如議因闢新不如闢舊漢諸葛亮南征雍闓由越窩入而五月渡瀘者即建昌路也又按輿圖自四川雅州入雲南省城驛站相距餘于百里者無幾不過添驛遞四五所而不足于百里者更相其山川之險易人居之密疎以增郵役請除部餉六萬為建昌開路費從之

壬寅立春順天尹進春上御皇極殿受賀

癸卯陝西上已籩族及鋒銳城諸族番人焦吉巴等貢馬刀

甲

乙巳諭封李侗朝鮮國王先命登撫遣官同陪臣賈賜候事
寧專使

丙午南京戶部尚書兼右都御史王永予告

撫治鄖陽右僉都御史蔡復一劾四川募兵援黔知縣戴文
箕領兵都司胡文選馬倫守備饒啟祚驛騷淫掠命訊之
逐妖人宋明時初譚謙益以異才薦兵部行薊督驗試適朗
素挾賞令試之設壇練士凡三七日謂不宜興戎失款隨改
祝文潛消之後朗素退任功且云朗素法斃不久在立春竟

亡急兵部請寘于法上命逐之

談遷曰古未有符咒感教者當其妄薦即宜移郊逐之外
以嚴大道本兵不之察猶冀一割始請寘法僥倖嘗誠安
在為用人哉

丁未封成妃李氏

浙直江西地震

己酉總督貴州兵部左侍郎楊述中奏巡撫王三善入巢屢
捷安邦房奢寅僅以身免首功萬八千餘級械畜止算官軍
行過河上悅諭戶部勞吏卒三萬金
廷議以督輔在停總督惟偏沅仍巡撫及按臣督餉從之

薊遼總督王象乾言兩年撫賞共金三十二萬六千九百有奇視舊歲額二十萬爲減且求去命候代

庚戌補故兵部員外郎楊繼盛諭塋以保定巡撫張鳳翔請之

命太監魏忠賢總督東廠

辛亥王三善自引兵克金銀山時寇援已集而三善師老食盡

壬子大孝士葉向高一品六年考滿韓爌一品考滿三年進向高上柱國太傅詹尚寶司丞爌左柱國詹中書舍人並兼尚書俸

乙卯祫祭太廟

黎維祺襲安南都統使初黎維新于萬曆己未年以維祺僅十三齡政在衆日至是遣官請襲

是歲天下戶九百八十三萬五千四百二十六口五千一百六十萬五千四百五十九田七百四十七萬九千三百十九頃八十三畝有奇米二千一百四十九萬三千五百六十三石一斗有奇

甲子天啟四年

正月丙辰朔御皇極門內殿受賀

戊午貴州巡撫王三善以大方餉盡議班師陳其愚輸情于

賊私樹標馬賊急追之副總兵秦民屏被殺秦佐明祚明突
圍出賊勢復張

己未葉尙高韓燿燁新命

庚申己刻天津三衛地震有聲

御史黃尊素言余懋衡曹于汴陪推崇熙相繼拂衣于是劉
宗周恬引于先饒位堅請于後此皆數十年之培養老成不
可不惜也

辛酉上享太廟

癸亥王三善至梅家海賊大至三善獨保一山賊退始至內
莊

御史王業浩請補高祖故南京尚書王華贈諡不許

甲子始日講

乙丑王三善兵敗于鴨池自刎不以羅鬼執之不屈遇害初
賊僞款至是畢至圍之官軍不相顧遂潰監軍岳具仰同知
方明棟梁思泰守備田有龍並沒三善永城人崇禎初贈兵
部尚書廕錦衣千戶立祠賜祭葬

丁卯戶部右侍郎陳于廷改吏部禮部右侍郎南師仲為左
侍郎協理詹事府右侍郎溫體仁立佐部兵部右侍郎高第
為左侍郎太常少卿楊鶴為右僉都御史巡撫南贛
馮從吾為南京右都御史

大季士葉向高言添註一事祇因皇祖嘗遷請過多皇考與
皇上盡行收召人浮于官勢不得不出于此頃科道屢言將
添註遽停夫添註既停則京堂之壅滯愈甚言者欲令其請
假引疾此于政體實為不平何也諸臣雖年力才品不同其
遠者皆沉淪摧抑二三十年近亦累資而得今諸臣之起不
二三年其至九卿八座者僅數人而鄒元標鍾羽正馮從吾
輩又不究其用以去所存無幾奈何又生厭薄欲一舉而空
之也命仍之

戊辰詹事黃士俊為禮部右侍郎仍兼侍讀季士協理詹事
府少詹事施鳳來為詹事右庶子兼侍讀林欲楫為少詹事

兼侍讀季士同禮部右侍郎黃三極直經筵

己巳協理詹事府禮部右侍郎黃三極充實錄副總裁右中

允揚景辰撰誥勅

庚午少傅兼太子太傅戶部尚書武英殿大學士何宗彥卒

金谿人籍隨州萬曆乙未進士館選授 歷今官持正屹

屹見稱于時贈太傅諡文毅

巡按廣西御史賈毓祥言粵西之患有三曰交寇曰土司曰
猺獞見設之兵餉但防猺獞而交寇土司不與焉今交寇擅
兵蚕食思陵邊隆諸土司逼我上石西太平思明侵地
計二百七十二村矣水西之變泗城南丹隆通安商思

州不受調犛犛伺掠賓州八寨爲羣盜根株土舍名爲我用
實相窺隙宜相度險要增兵防守而後可章下兵部令撫按
勘奏

福建道御史李應昇言賞罰不明皇上試問罪璫遣而謾書
入者何人馬上催而三路敗者何人貪殘激變而遺患黔蜀
者何人賄脫盜庫而一網善類者何人即今劉朝斥必而天
下之爲劉朝者甚衆賞罰倒置逆黨漏網毋乃以護紅丸之
故護風瀛以輕封疆之故輕爵廢乎上責其泛

壬申御史崔奇觀劾漳南道副使程再伊聽副將張嘉策受
紅夷三萬金許彭湖互市

癸酉庶吉士授官方逢年劉心達陳具慶倪元璠黃道周為
編脩張士範謝德溥張四知王鐸鄭之玄屈可伸徐時泰王
啓元朱之俊陳盟孫之澣文安之李明睿許士柔黃錦為簡
討楊夢霖劉先春王鳴玉杜三策陳維新為科給事中楊
玉珂梁元柱爲御史

上筮籙諸族番人滄中入貢馬及方物

左都御史孫瑋上言五事申臺綱重巡城釐陋規御史非奉
旨會薦不得濫舉市恩御史欲弭盜防奸必先嚴行保甲報
可

甲戌貴州巡按御史侯恂言兩河失利初王三善奮戈解圍

軍聲大振以為獲鬼技止此耳不無輕敵之心又念餉匱利
于速戰于是決意進兵一出陸廣以總兵劉超建旗鼓楊明
楷李世將隸馬漢土兵共三萬都清道僉事楊世賞監之一
出鴨池以總兵張彥芳建旗鼓黃運清秦民屏隸馬漢土兵
共三萬貴寧道副使何天麒監之一出黃沙渡以都司藍補
察統盧光祖合廣西之兵分道搗勦撫臣謂敵在目中兵豈
意狡賊甚衆驅飢卒而摧強寇致有意外也三路惟黃沙渡
全師撤回陸廣連捷斬二千七百餘級因糧不繼獨山州土
官蒙詔受賄先逃官兵爭北渡河輜重盡棄是役也楊明楷
被執不屈諸將姚旺等二十七人力戰歿官兵已三千人賊

尋攻鴨池初殺傷相當秦民屏既以石砭部下游擊軍宏化
藉口枵腹糾衆回回衝殺官兵百餘人餘盡潰去此臣確核
最悉也因分督撫道將罪狀

乙亥通政使何喬遠請老進戶部右侍郎

貴州道御史張爌言兵部添設二侍郎當裁湖廣巡按當增
下吏部

左副都御史喬應甲應召道奏東林黨魁李三才藉黃正賓
汪文言交通趙南星高攀龍等力為引援上是之

丙子太僕寺卿丁啓濬引疾去

山東道御史黃尊素言科道之設惟參駁糾彈各有司存自

東事告急輒薦舉邊才軍詔一頒廣開起廢于是有乞憐徑
請有託介求容而人遂相沿薦舉之常夫獨不知科道之職
掌乎請尚方之劍吾責也發蒲輪之徵非吾責也漏吞舟之
網吾責也賦招隱之章非吾責也上是之

丁丑工部右侍郎饒位致仕

妖人王好賢從徐鴻儒而逃至是獲誅初深州王森以救妖
狐狐斷尾令藏之人聞異者多歸附號聞者教森必遺貲巨
萬子好賢儲其貲以結客與景州于弘志通密約徐鴻儒三
方同起而鴻儒以他事先發

戊寅右庶子張廣改左庶子右諭德丁紹武李康先李標為

右庶子右中允錢謙益為左諭德各兼侍讀右贊善孟紹虞
曾楚卿為司經局洗馬兼脩撰簡討馮銓為右贊善兼簡討

兵部侍郎張鳳翔孫翕之廕錦衣衛百戶

刑部左侍郎牛應元予告

蘇州府同知楊姜削籍以織監李實奏其擅減袍服得嚴旨
巡撫周起元言姜守官清正特謁織監不行屬禮亡罪被誣
竟奪職起元之禍蘖矣

刑科給事中解學龍請脩正史言史家之體有編年祖之春
秋紀傳本之三傳我朝列聖實錄祇昉編年而事之首尾不
相貫人之本末不可知况乎革除土木至今公案未定其間

一姓通承委裘無恙乃操觚者拘其忌諱致令參稽尚仍夫
盡簡祇爲製舛何以傳信至家乘野書皆得以肆其私筆寧
非聖朝一大闕事哉今宜開局纂脩正史刻期告成願所以
成之者有三曰蒐其人曰萃其書曰督其程上命實錄成議
之

甘肅松首銀定思復故巢謀犯松山西寧道馮任參將李維
新邀之大明沙斬六十五級

己卯太常少卿鄒德泳爲右通政江西叅政朱萬春爲太僕
少卿

辛巳吏部推鄒元標南京吏部尚書不聽以鄭三俊爲戶部

右侍郎時與元標同推獨用

南京兵部右侍郎陳長祚改左侍郎南京太僕卿周汝登爲
通政使大理右少卿王遠宜爲太常寺卿工部右侍郎吳用
先改兵部兼右僉都御史總督宣大山西軍務

南京刑部主事樊玉衡致仕進太僕少卿

大學士葉向高請召還脩撰文震益庶吉士鄭鄴給事中毛
士龍侯震陽熊德陽御史江秉謙賈繼春不許

工部尚書王舜鼎言各鎮器甲自造不得專乞京庫虛其根
本從之時薊撫樂和聲總兵王威各求發京庫

裁施歸兵備僉事

癸未日旁有黑子相盪凡四日

二月乙酉朔丙戌吏部再推鄒元標南京吏部尚書上老之葉
向高言元標精勤可任不聽

有男子朱八云慶成府宗室頌寬乞名封祿禮部以越關
奏擾仍錮于邸

丁亥大學士顧秉謙釋奠太學

督師大學士孫承宗言今邊方大計不過曰守曰款曰恢復
皇上勅臣曰寧遠廣寧及河東土宇漸圖恢復乃天下大議
似專守關以內而近且曰國家失河套大寧不失為全盛何
必復遼東然而遼東不復關不可守欲復遼以守關則關以

外不可不兵屯不可不脩築而寧遠覺華之議必不可輕罷
請以守言之凡客兵利速戰主兵利久守今關城聚秦晉川
湖齊梁燕趙之衆盡號客兵止論料糧不繼即其繼也不通
不譁而坐食自困蓋以速戰之備為久守之謀欲進則不足
久守則必變故議兵必在土著然薊勘土兵而守遼以內則
遼兵亦客也故隨遼人之便安插于西衛三所二十七堡間
以兵以屯曰以遼人守遼土養遼人使關外之備稍足則關
內之防稍減况守在關以內則內備淺薄守在寧遠則山海
已為重關神京遂在千里之外今天下亦嘗計及此乎再以
款言之臣之初抵關義幕旃車雜遝岡阜一登陴而腥羶之

氣撲人日報劫殺議遠撫場而通官難之得廣寧道議令初
移之中後為百里又再移之寧遠為二百里以兩協將分之
信地即撫即防劫掠希少今議撤關外之防為守關內則仍
入關為撫而八部三十六家仍環聽于關門且寧遠有道寧
前有道鎮曰遼鎮撫曰遼撫而安插遼人于寧前則曰胎禍
亡論十餘萬生靈何地安插而既無寧廣之土地人民何獨
存寧廣之市賞今天下亦嘗計及此乎再以戰言之賊薄寧
遠則以置亡置死之兵合與亡與死之衆心堅敢死氣勵亡
生而外無可掠中無可希砲矢既倍兵民既濟魚以海出其
後山峙其前竒伏間出賊必殲焉即或越一城而前寧城已

縱其後即或合一城而守之各城已扼其吭即或直抵關門
不顧而前有堅城後有勁兵自可立見掃蕩又或妄意及海
則覺華島之駐師與望海臺之泊船相控而長鯨必投首于
波臣又或下關臣之精甲進圖恢復則水師合東陸師合北
水陸之間竒竒正正出沒無端故拒寇門庭之中與拒寇門
庭之外其勢既辨而促敵于二百里之外與敵促我于二百
里之中其勢又辨今天下亦嘗計及此乎有心在天下而邊
塞之情形未悉問憑道路之口以為憂疑亦有心不在天下
而邊塞之安危不顧祇念身家之計以為檄倖伏望皇上立
斷無搖衆議糜臣之肝膽有藉而土宇可復上嘉答之

戊子亦轄等族番人竹木等八貢方物

孫承宗言臣議合款防爲一督以兩撫臣分任薊遼緣皇上不允臣去特借此以各分其任待臣去之日仍推總督蓋真見邊事不宜紛紛非謂總督妨臣抑亦臣妨總督私念臣與總督不必兩設非謂臣可久留而額員可裁也自今糧料不繼而料且絕矣去年採青錢二百萬遂可省金十二萬有奇而今部價不發皇上所發帑金爲軍需者戶部借三十餘萬而關城如洗近合馬步戰輜爲車營者十而器具不備臣所請寧遠邊城歲可得十七八萬而未敢言若馬價不定撫賞不定何以應卒至于臣當邊務稍暇十餘日以觀天顏邊事

重大一皆面奏仍與朝臣一一講明其事臣仍任之豈其弛擔臣之初抵關也有給發無議論既而無之今且有議論無給發關撫明而有幹略可謂有才其議守與臣同而所以議守似與臣異臣自撫臣來凡更調將吏如滿桂之守寧遠陳九德之守北山馬爌之守中右孫懷中之守高臺陳一元安邦之招遼兵皆議于鎮道決于撫臣其未從撫臣者獨撫臣數言臣不可出關恐兵馬少無以威敵蓋老成之見臣念關外未安實踰踰于其言而竟未能從撫臣乞皇上下廷議凡主客之兵可否久成本折之餉可否久輸關外之土地人民可否棄置屯築戰守可否與舉再察今日之效果否坐待自

可消滅臣不敢望為百年計祇及五年間究竟何如勿徒取快目前令當事之臣任其極重不返之勢也上報曰兵餉戰守卿前後條奏聽便宜行不必廷議巡撫官意見不同恐不便行事該部議奏

刑科給事中解學龍言建州去冬之來非真來今春不來非真不來也今鉄衣曾有的數否收買馬羸硝磺盛甲曾驗否三農告匱束手莫支乃三帥各萬二千金為治第之資令人駭愕營房每間價六金鎮將侵剋費不五六錢馬料芻豢十扣其半至于撫賞藉此以紓邊鄙之傲非恃此以撤吾戰守之防今果何如哉上責其漫

孫顏三衛都指揮懶充等補貢馬

叙河南平妖功前巡撫今宣大總督馮嘉會為兵部右侍郎廢監賜金三十幣二巡按御史丘兆麟梁之棟各賜金二十餘紀錄

庚寅廣東左布政吳中偉為光祿寺卿

辛卯太僕寺卿饒伸為刑部左侍郎南京戶部右侍郎白所知改工部左侍郎協理殿工大理寺卿柳佐為工部右侍郎右僉都御史楊漣為左副都御史

廣西道御史王一中為太僕少卿

故河南道御史湯北京贈太僕寺少卿宜興人萬曆壬辰進

士知豐城有巨盜范氏窟都村流劫表臨吉穎之間結左右
伺官吏食息北京密擒之績最授御史署河南道給事中趙
興邦恃太宰趙煥婪恣連章劾之辛亥京察力斥湯賓尹及
其黨鄒之麟韓敬初賓尹有盛名群小附之察時列其罪當
事錯愕一日朝會賓尹問人曰孰為湯伯宏人指之賓尹悚
然

南京工部尚書張輔之致仕

巡按直隸御史潘雲翼勘後先按遼諸臣言楊一桂按遼而
撫順之變起陳子逢按遼而四路之師敗方震孺按遼而廣
寧之城棄然各有心跡非所能挽回上是之

壬辰兵科都給事中趙時用為太常少卿御史王尊德李時
營為太僕少卿

總督倉場戶部尚書張經世致仕

癸巳禮部尚書林堯俞工部左侍郎陳長祚同欽天監正周
子愚擇葬懷冲太子

戶科給事中周之綱言恤民當除三蠹曰奸書飛灑民糧曰
有司火耗太重曰戶丁逃亡量行補豁用人當協人情而鄒
元標推南銓不下余懋衡曹于汴皆陪推黜用避嫌而去諸
臣績到格不得考選人情缺望上下所司

乙未給事中陳爾翼為廣東右叅議郭興治為河南右叅議

四川道御史姚祚端為四川副使河南道御史張捷為陝西副使雲南道御史楊維垣為山西副使福建道御史周汝礪為陝西僉事吏部考功郎中倫肇修為河南 叅議

順天巡撫岳和聲免

戎政兵部左侍郎朱光祚奏核練餉節費先是元年發練餉三萬二年發帑三十萬逾歲費殆二十萬債帥奸徒出入莫問光祚核銀十四萬六千二百六十餘勒石貯庫

丙申始御經筵

御史張潑為太僕少卿彭鯤化為大理右寺丞山西左布政韓策為太僕卿

工科都給事中周士樸等疏救楊萑被謫大孝士葉向高等亦以為言不報

夜月犯軒轅右星

丁酉左光斗為左僉都御史南京通政使林季魯為南京戶部右侍郎添註太常少卿葉茂才為南京工部右侍郎兵科給事中李精白為都給事中

沈傲炳為南京工部尚書

薊州永平山海地屢震壞城郭廬舍三筭

戊戌御史李應昇言山東流民復業被驅請速為消弭之法時鄆縣知縣田吉以平妖後驅逐

吏科都給事中程註為太常少卿提督四夷館山西參議劉復初為光祿少卿廣西參議曹季任為廣西副使

南京刑部尚書李養正致仕

己亥御史汪泗論為太僕少卿高推為大理左寺丞

翰林編脩陳子壯方逢年劉必達陳具慶倪元璐充起居注

錦衣衛都督僉事許濬祥進都督同知

總督楊述中奏貴州巡撫王三善敗陷魚請餉下兵部議

巡鹽河東御史劉徽陞疏及給事中周士模上諭內閣并

謹徽葉向高揭救不報

前甘肅總兵薛永壽侵餉以巡撫李若星論逐之

庚子夜月食

太常寺卿桂有根致仕進工部右侍郎

辛丑應天府尹畢懋良為戶部右侍郎總督倉場

鄧漢為右僉都御史巡撫順天改撫治鄖陽蔡復一為兵部

右侍郎兼右僉都御史巡撫貴州

右通政王佐為太僕寺卿轄西路南京太僕卿岳元聲為南

京兵部右侍郎

山東道御史黃尊素請復午朝面奏上以嚴旨尚不遵行何

又午朝面奏也

壬寅東廠太監魏忠賢奏減香品從之

國子祭酒蔡毅中進字季要覽命梓之

癸卯工部左侍郎陳長祚為尚書總督兩廣兵部右侍郎胡應台為南京刑部尚書南京太僕卿林材為南京通政使起喻安性為右副都御史巡撫遼東

乙巳大理右少卿武之望為太常寺卿太常少卿孫鼎相為太僕寺卿

丙午起吳仁度兵部左侍郎太僕寺卿柳佐為工部左侍郎太僕少卿李成名為右僉都御史巡撫南贛順天府丞畢懋康為右僉都御史撫治鄖陽

四川右布政李仙品為右僉都御史巡撫偏沅光祿寺吳亮

為大理右寺丞禮部郎中周爾發為尚寶少卿

巡按貴州御史侯恂言拯黔事宜曰簡重臣撫臣悞墮羅網督臣當戴罪料理今徵集士馬再規大舉若令督臣獨有此事恐不能收戡定之略也曰設沅撫黔中兵餉一一仰給于楚非有人專督勢難源源入黔曰擇大帥魯欽馬炯既為敗軍之將旂鼓無主則大帥不可不擇曰扼要地新添平越偏橋宜住一道臣各自募三千人彈壓路苗曰速協援勅滇撫發兵下盤江以綴賊之背勅蜀督發兵進畢節以衝賊之胸并勅粵撫簡銳進普安或進都勻為黔犄角至營兵尚四五萬人作何整飭貴陽商賈統集流移作何鎮定省會倉米不

過四千餘石新添而下尚有儲積然轉輸甚難惟有兵運作何處置附叛土司沙學溫如璋輩昨皆投降今作何駕馭苗仲龍蔡半載以米多方撫勸今作何羈縻是在當事圖之矣上大是之

左通政鄒德泳疏論鄭養性逆藥漏罪不報

兵部左侍郎高第致仕

川湖總督朱燮元奏分轄蘭地時奢崇明遁獲妻安氏蘭州廓清燮元請以赤水河爲界河東龍場屬黔河西赤水永寧屬蜀永寧設道府與遵義建武聲勢聯絡若黔省非使則蜀自郡縣黔仍衛所下部議

丁未以風靈馳飭邊臣

大理少卿張廷登爲太僕寺卿添註尚寶司丞王時熙爲太僕少卿

吏部尚書趙南星言變通銓法四司官額十五人今僅八人昔時司官皆堂上自選無咨訪之說且每省直恒二三人每一人自主事而員外而郎中皆徧歷四司再請告文選考功卽事任尤重偶乏人則他部調補陸先祖鄭汝璧輩是也近者近署皆薦人自代議者遂有頂首之謗于是偶有員缺發單咨訪于其鄉之京堂科道而又以吏科河南道非其鄉者以示大公爲諸臣絕謗也然而舊人日多循資起用遠者難

到不得已就近推補限期速至其遠而不能待者亦就近調補不妨一處二人待遠者至而後以一人避之昔年呂坤黃克念皆寧陵人而同時司汝霖傳作雨皆江陵人此臣所親見也行此之道則旬月之間四司俱滿而銓政可舉矣上從之

戊申大理寺丞倪思輝爲右少卿

督師大孝士孫承宗言臣以天啟二年至關門獨趙率教以二千餘人拮据前屯及馬世龍來分立五部三十營雅有條次其後尤世祿王世欽相繼邊人頓有生色今謂世龍納賄貪淫臣百口必其無臣亦有心豈其朦瞶而不擇致用匪人

以悞天下臣願用袁崇煥劉詒之殫力瘁心以急公不願用腰纏十萬之逋臣閉門誦經之孱膽臣願用博大強毅之馬世龍少年英銳之尤世祿王世欽不願用熟嫻通脫之奸猾臣嘗概論諸臣如王在晉閩鳴泰志尚欲有為而皆或未及展且推而即來未嘗求脫此皆君子之徒即熊廷弼矯矯有略王化貞勤勤在襄倘御得其道皆更有爲蓋泛駕之馬在御斯馳之不必操乃若才鄙而怯識門而狡工于投時巧于避患曾不知天丁有忠義之肝膽當其欲投善地悞入危疆歷任既久不展一籌而徒假手以撓天下之是非此廷弼輩所唾而在晉等所羞然幸且去矣乞皇上俛聽臣言立爲分

剖母以臣庸貽累上是之

薊遼總督王象乾報虜部縛獻求款并酌撫賞前十二月象
乾以朗素求撫象乾令撫官王收民調部長十人至密雲諸
部以備邊勞苦領賞不及揅漢不平象乾責以賊殺王極又
致其人抵法方賞貢使歸報朗素于是偵為未款打未明暗
多奈名台吉部夷伯彥兒太朗素令之縛獻至是三十六家
共五百人叩喜峰輸罰象乾令參將朱梅議賞欲歲再賞視
揅漢梅不許而朗素領有運砲亦勞苦酌給九百五十金每
春防止虞方給其幣俟次年加一至四雙而止所殺將九九
殺兵八人各罰三九共馬牛年二百九十七

上命叙錄各官

南京貢鱗鱖限十三艘毋擾驛

已酉進錦衣衛田爾耕少保兼太子太保魏良才等各陞級
以緝捕功

刑科給事中解學龍劾督臣楊述中坐視王三善敗沒宜下
巡按御史勘奏從之

庚戌尚寶司丞黃正賓為少卿右通政胡汝政為南京太常
寺卿

辛亥太常寺少卿薛鳳翔李若珪為大理寺左右少卿
薊遼總督王象乾言款北之利啟誘西胡必為教用我撫之

必為我用即諸部不盡為我用亦可以虛着示聲援款之說
我與彼爭而用之者也上是之

談遷曰趙充國招开罕以制先零范仲淹撫熟羌以孤元
昊制敵之隙在離其交西胡雖狡不即為我用然敵而入
于彼則無策矣王象乾僅知市賞且白首伏鉞志與時違
噫安得充國仲淹其人與之語鞭箠之事哉

壬子日淡黃無光

夜有星自即位流至濁大如盞光赤

朝鮮昭敬王妃金氏遣議政府左議政李慶全等貢方物
禮科左給事中魏大中請雲貴主考就撫按徵聘時兵興道

梗部覆雲南仍遣京官貴州如議

癸丑大理寺丞吳之皞為左少卿

黑日盪磨于日旁

孫承宗言臣見捕獲奸細終然見告而左袒經略者捕皆巡
撫之人左袒巡撫者捕皆經略之人甚至啞暗孤兒立殺受
賞乞勅所司調劑寬嚴毋以遼民之在苦而踈于防毋以遼
民之可疑而苛于誅上是之

甲寅辰刻京師地震宮殿動搖有聲銅缸之水涌波震盪樂
亭舊鋪庄地裂多穴涌水尺餘色黑

上不豫

江西道御史劉璞言遼事自文臣外事外杜松之剛愎焉而
歿王宣之慨慷焉而歿趙夢麟之遲暮焉而歿劉綎之竭力
焉而歿麻承恩之善避焉而歿尤世功之力敵焉而歿朱萬
良之出戰焉而歿諸臣外事不同俱無愧于疆場也至于祖
天壽之逝也仍守覺華島魯之甲左輔之逝也仍守寧前已
立功自贖可勿論如許定國以游擊逝有何功而今授參將
任登州中軍也王興業以參將守遼陽值敵逃歸而遷陝西
江朝棟以參將逃復借征妖希副將其他屢逝屢用莫可指
數不分別懲處何以儆將來乎上然之

安南都統使黎維祺侵莫敬寬分兵三枝一攻高平一攻歸

順一上廣南攻歸順者殺二酋敬寬長子自刎妻妾及少子
三人俱被擒敬寬與次子逃入山中復回高平

三月乙卯朔右通政郭尚寯為太僕寺卿大理寺丞韋藩為右
少卿並添注

初廷議裁薊遼總督以山西道御史王祚昌言仍之
丙辰宣大總督兵部右侍郎兼右僉都御史吳用先改總督
薊遼廣西巡撫何士晉為兵部右侍郎兼右僉都御史總督
兩廣

京師地震

兵科左給事中章九儒論總督楊述中禍黜不足又禍天下

貴陽之守食人幾盡而不可下鴨池之潰成師十萬而撫臣
不歸非兵少也今復調浙廣之兵動經數省萬一乘釁起者
則吳粵皆重慶而樊龍輩將接踵可不寒心命部議

丁巳上疾良已

陝西巡撫孫居相為兵部右侍郎尚寶司丞濩中玉為少卿
禮部主事曠鳴鸞為尚寶司丞並添注

總督薊遼兵部尚書王象乾去冬閏計至是代去進少師兼
太子太師

廣西道御史宋師襄言終日籌邊務矣飭吏治矣弭盜賊矣
而終不能行也何則臺臣條上即云盡職而奏之行否置勿

問部臣題覆即可了事而議之行否置勿問閣臣票擬即為
絲綸而事之行否亦置勿問皇上勵精圖治日覽章奏日下
嚴旨而其事能行其事未行誰還報皇上也故毅然更始憤
然力行臣敢望之皇上併以責之臣工報可
登萊巡撫袁可立罷

戊午大理右少卿傅振高為太常少卿添注

夜京師地再震

庚申南京吏科都給事中姜習孔為南京大理右寺丞
夜地再震者三

辛酉南京戶科給事中歐陽調律為南京通政右叅議
行人盧時泰知縣李恒茂為禮科給事中

朶顏衛都督花歹遣可脫赤貢馬

戶部尚書李宗延請發帑八十萬救黔上命部先措十萬借
問價十萬餘俟外解毋請帑塞責

浙江道御史袁化中言拜災實政請召鄒元標王紀毛士龍
熊德陽侯震暘江秉謙賈繼春文震孟鄭鄴徐大相等上許
之

御史苗尊素言時事十失封疆多故動輒寢轍庸闕懦將所
在而是一也敵來鼠伏敵去燕怡悞國喪師者蒙磨血守豕

城者薄酬二也會推故事捷如飛靈昨日所進又云資俸已
深今日所推忽而復圖改轉三也邪正雜揉忠諫並進直言
敢諫之氣挫于揣摩臆度之手四也遠人窮困來歸奸宄風
影据據致効順之夫動愁坑穿反側之子從中煽惑五也戶
兵要務不于實事專精覆疏行否不問六也市井好語兵革
山人巧占風候令孤忠束手事機漸移七也門巷街衢苞苴
充道吮血股膏希營窟穴八也大臣依違毀譽之念轉為模
稜情面之心旁觀卻顧致悞軍國九也議論龐雜當局莫措
十也若夫百姓怨怒司農仰屋京邊尚少二百餘萬倘內庫
錢糧改折金花舊額暫濟便可救急而必云內庫仍解天下

誰之天下而留此朽蠹為也至阿保重于趙燒禁旅近于唐末蕭牆隱禍慘于寇賊異日有欲言不敢欲聞不得者上怒奪俸三月

壬戌太僕少卿魏訖為應天府尹

癸亥山東右布政程啟南為南京太常寺卿南京福建道御史譚鏞為南京先祿少卿吏部驗封郎中張守道為大理右寺丞

甲子馮嘉會為兵部右侍郎兼右副都御史總督宣大宋槃為右僉都御史巡撫陝西董元儒為右僉都御史巡撫廣西太常少卿王命璿為寺卿

乙丑左通政涂喬遷為南京太僕寺卿

日講官太子賓客禮部右侍郎趙秉忠還里改莖賜金幣

丙寅職方郎中鄒維璉改稽勳司時驗封主事吳羽文亦江西也求去吏部尚書趙南星言羽文求去曰江西不宜兩人維璉亦求去有從史維璉者曰是不錄咨訪夫同鄉不嫌兩人臣前已言之而又求去意臣老不足與有為抑別有所畏耶其應否候裁上令毋避

丁卯戶科給事中周之綱請裁點督處分鎮道優卹以事諸臣秦民屏等

天津巡撫畢自嚴言天津海防營水陸見兵二千五百人歲

餉四萬五千金前撫汪應蛟因海濱三畝屯田八千畝人耕
四畝歲穀八石共值四千八百金操練盡廢舟楫器械皆不
存令兵部欲以萬沽兵移歸屯田春作力田仍令津撫兼統
遇倣聽調一柄兩持屯操俱廢不若水兵隸臣增足二千陸
兵千人分隸屯臣兵部尚書趙彥執如故
戊辰阮大鍼為吏科都給事中

通政左叅議李茂英為右通政刑部郎中張肇枋為通政右
叅議

己巳戶科都給事中朱欽相為太僕少卿尚寶司丞金士衡
為少卿河南按察使潘文為太僕少卿並添注

翰林編脩方逢年纂脩實錄

庚午大理右少卿謝應祥為太常寺卿

辛未太僕寺卿程紹為右副都御史巡撫河南太常寺卿武
之望為右副都御史巡撫登萊戶科給事中郭鞏為大理左
寺丞

進士普寧徐天鳳奏父朝綱以乙榜任貴州安順府推官殉
安首之難部覆詔贈朝綱光祿寺卿予祭塋立祠廕錦衣正
千戶

壬申尚寶少卿姜志禮為尚寶司卿

戶科給事中孫紹統疏刺元輔葉向高奪俸六月

癸酉上視朝

甲戌四川左布政林宰為太僕少卿

工部尚書陳長祚覆御史姚應嘉脩潘潛梁請卹汝河始事尚書劉東星侍郎李化龍郎中梅守相等上從之

乙亥瑞安公主庶子萬長祚廢錦衣衛都指揮使

尚寶司丞陳以閏為少卿

王維周薛國觀補戶科給事中

御史張鏞請遣督臣楊廷中并罪鎮道諸臣不問

左都御史孫瑋言御史奉使回道考察舊制也今多稱疾不繇本院請自今考察回道俱定于御前發命違限二月以上

始會典參處各御史果疾在地方巡撫代題如到京臣院代題不得自奏從之

御史熊則禎言時事因糾吏部郎中張國紳賍汚不報再糾之仍不報

巡按直隸御史彭胤化請卹故戶部尚書李三才不許蓋三才起官未任

丙子何如寵公萬為禮部左侍郎寶錄副總裁張廣為少詹事劉鴻訓繆昌期為左諭德撰誥勅

進田爾耕少傅兼太子太傅

陝西巡按御史劉廷宣請祀宋儒張載父迪于啓聖公祠下

所司

戶科都給事中尹同舉言銓途大弊已清卑局弊端猶盛選者不論先後陞者不論淺深顛倒不測惟意所爲郎州邑佐貳兵馬之缺至數百金以上他可知已請序考納先後資俸淺深類刻一版人給一冊視缺出方補推之內外官亦皆倣此下部議之

丁丑魏忠賢廢錦衣百戶著金幣時緝偽札吏科右給事中彭汝楠言其濫不聽

總兵蕭如薰鎮保定黃敘鎮貴州提督平清守衛王雲鵬總兵鎮湖廣

戊寅福建道御史李應昇言內操皇祖曾一舉行不兩年而罷今聖躬初愈神氣易驚奈何遽忘靜揖金鼓之聲如昨不聽

巡撫貴州右副都御史蔡澂一上六議曰審寇情獮鬼總主虐之不忍千年未嘗易姓向者首惡未禽版章先定目把皆有不全之心鄰司亦懷狐兔之感遂激獮鬼而致死于我所謂自樹敵也今止以必得罪人安邦彥爲主奢社輝安位被脅歸順准宥諸目把投降者管事如故能禽邦彥者代其土同知之職雖同逆能相擒斬首盡宥前罪而賞其功凡土目安安氏先人即宜共獻首惡方可全安氏之祀曰清官道臣

度逆賊未攻省城必突出偏鎮清興之間煽誘仲黑二苗掠我餽運梗則我師饑道絕則人心震故今通道護運最爲急務獨山土知州蒙詔頗稱忠順凱里司土兵亦自可用今宜獎犒蒙詔即委以清平平越路苗之事如苗仲耳道路之驚叙功優異凱里土官亦如之至隣土司相機操縱俾就衝勒彼以垂亡之司而失同惡之助自亡能爲矣曰嚴法紀土司之叛腹土司者激之路苗之便毒路苗者擾之事難追論宜反其所失至于用兵貴嚴紀律採拾浮糧已傷降民之心即旋師之日輜重婦女纍纍載路何以不覆欲闢苗土先拊苗人凡領兵剽掠者副將以下治以軍法仍行參奏曰明

協援之信地自黔發難奉旨協援未有其實則信地不明之過也奢安既合則蜀黔決不可分要在宿重兵遵義以拊賊之背而扼其吭宜令總兵李維新統精兵四萬住遵義便以沙溪等處爲信地聽臣調度筭應而雲南兵直住畢節廣西兵直住普安衝其胸脇新偏沅撫臣李仙品素得遵義民心宜就披開府治兵由間道度偏橋暫住與遵義相應而上下諸衛隱然有虎豹在山之勢蓋遵義去水巢近而貴陽反遠異日滅賊終必繇之曰重魚制之事權貴州皮骨半存喘息未屬之國也全賴蜀楚爲用三楚之物力辰沅之轉運皆所以固黔而遵義寄兵則所藉以圖賊也用楚者其勢濶而節

長用蜀者其勢險而節短若兩臂不運先為朽人何以搏賊
諸將川東湖南北魚制諸路暫假臣以軍法治之有謂必赴
有呼必應一切舉刺俱同本屬庶足示鼓舞候事平仍舊曰
正失事之法班師失利鎮道與撫臣偕出而不偕入此從來
用兵所未聞也中軍樞密官宜正法以徇監軍道總兵俱令
總督分別處分才力可用者戴罪任事領兵官殺賊自贖安
知彥能斷指敵血效戮窮之搜而我行間失一巡撫恬為固
然何可令叛黨見也上大是之復一又請湖廣右叅政劉宇
烈為監軍勦陽游擊蔣言嗣改貴州行都司僉書尚廷棟進
游擊夷陵知州劉炳文荊州經歷尤印監造軍器九江道副

使陸夢龍宜陞貴州叅政前湖廣叅政王世德可起貴州叅
政臨洮知府冀懋中可改貴州副使令募延綏驍騎五百尚
有可大用者山東右布政熊文燦前四川僉事越其杰皆貴
州人倘川湖隣省有缺移而用之必有殊績上許之

已卯諭兵部京城緝盜

左通政鄒德泳為太常寺卿攝少知事

慧濟等族番入貢

吏科都給事中阮大鍼疏重懲貪凡撫按論劾各官贓私見
任追之本任未任追之原籍載入考成轉解戶部如頑梗不
解解不如法并地方官叅處從之

庚辰鳳陽巡撫呂兆熊奏獲徐鴻儒遺黨全科馬嘉等俱偽造符讖誣悞江淮間命誅之餘仍緝捕

辛巳南京戶科給事中歐陽調律請建文君編年廟祀言臣備員南垣敬趨陵廟及望東陵奕若有失夫懿文太子廟貌宛然歲九祭而建文生為帝王歿無謚號既不得入祔太廟又不得別享一祠封墓莫識魂鬼安依二祖列宗必有不安至編年一事成祖詔中原無降削位號之說前此祇屬承訛今即列建文年號于永樂之前亦何嫌忌而強附之洪武後統系不明乞勅廷議毅然舉行成一代之美不許

癸未太僕少卿陳伯友為太常寺卿攝少卿事大理右寺丞

楊應昌為右少卿

大學士葉向高等言今歲夏至祭地營繕司官及巡視工程御史向臣等言皇上親行其壇當預脩築神幕器服距期月餘日夕併工亦未能及求來歲舉行臣等謂方澤大祭豈得措遲職掌謂何但祭期迫近不得不據實以請如祭典有舉毋廢略加脩飾仍令舉行倘以躬祭毋率暫遣官恭代上命未歲親享

戶科給事中孫紹統言驛募僉派之累命部嚴禁其擾東江都司張盤議守金州必柵南關嶺禦敵方肇工敵兵驟至被獲以之

四月甲申朔上親享太廟

乙酉吏部尚書趙南星催補史記事李炳恭丁元薦賀煨并河州知府沈應奎並清劾從之記事炳恭補行人左右司副煨元薦戶刑部簡較

刑科給事中顧其仁言蜀土重困乞擇守令毋以貲即署篆從之

丙戌總督雲貴楊述中免總兵魯欽裨將尹伸等並戴罪止調南京浙廣兵以御之王政新劾述中貪庸悞國也

榆林衛賀氏生一首二身尾八足

戊子南京巡營給事中姜習孔言冗員當裁選鋒管增比練

當周馬匹當咸營官乘輜當草名色把總當疏通從之

己丑大理右寺丞吳亮為右少卿山東按察使孟習孔為太僕右少卿並添注

南京侍讀學士錢龍錫右庶子丁紹載為小詹事兼侍讀學士脩撰錢士升為左中允兼編脩俱纂脩實錄

禮部右侍郎董其昌以奉旨前採萬曆留中之疏分三百悞又做史贊例各附筆劄共四十卷且薦南京太常寺卿李維禎史才上是之

談遷曰雲間雲杜並良史才適纂脩之期不專督其成亦宰相之過也

石砮宣撫司總兵秦良玉秦弟秦民屏戰於簸蘿等從子佐
明翼突圍走因追敘援遼之後胞兄邦翰和屏戰於渾河先
後部兵沒萬三千餘人臣義應雪耻俟練兵五萬上褒答之
贈民屏都督僉事子蔭威遠衛百戶秦瑞明授本衛指揮僉
事

庚寅兵部覆貴州巡撫蔡復一以偏沅巡撫通黔楚之脈逼
路苗之梗勅住近鎮來往平清間訪戎催餉若開府遵義便
于治兵遂于催餉宜如勅行延綏距貴州七千餘里南北風
氣異宜宜聽漢懋中酌募不必取盈五百之數餘如撫臣議
從之

蔡復一為總督雲貴湖廣軍務兼巡撫貴州

四川總督朱燮元以擒奪崇明秦捷及續報禽者崇輝非崇
明也自劾其悞不問

壬辰何如寵為禮部 侍郎

總督朱燮元言前遣叅將林兆鼎以萬人徑至大方見黔撫
命為前鋒通路畢節復于永寧命總兵李維新僉事胡平表
以兵二萬仍督北鼎由畢節夾攻下意狡寇偽歎伏阻歸路
官兵苦戰乏餉路梗蜀兵無可為計已檄維新等相機撤回
矣

癸巳禮部尚書翁正春乞休因上三禮八箴上慰留之

主客主事畢自肅言貢使宜擇貢約宜明貢道宜清貢伴宜
選貢限宜定貢賞宜預貢衛宜周從之

丙申光祿少卿楊廷筠為順天府丞

南京左府僉書寧承勛提督浦口池河二營

丁酉陝西道御史張論廣東道御史劉廷宣為大理左右寺

丞俞誨為陝西右布政

廷試歲貢生

命偏元巡撫李仙品駐偏橋

庚子南京大理寺卿張五典許終養

辛丑魏大中為吏科都給事中

補考選范紹序刑科給事中李魯生兵科給事中

壬命新為南京大理右寺丞

癸卯太僕寺卿王之寀以前訊張差事疏駁曾道唯岳駿聲
上不問

談遷曰張差夙案王之寀歟何為專長嫉私勢不激瀆
不止也

甲辰司禮太監王體乾魏忠賢各乞祠額禮科給事中霍守
典言此卹典也在身後不在身前在二臣為非禮之請在皇
上為非禮之不予不聽

乙巳遣魏忠賢往京南巨馬橋祀龍王祠

禮部郎中張光房為光祿少卿

談世德為

將軍都督

總兵鎮寧夏

陽曲榆次地震

貴州巡按御史侯恂言水西之局不過剿撫兩端臣為要其指歸曰法當勤勢當撫道當以剿為撫而已撫臣之失不在初入大方在易敵而不之備從來用兵寧有懸軍深入而不顧後勅頓兵久住而不憂中變者督臣雖有會題衝進之檄而策應已晚救援不及所謂居中調度者安在撫臣氣銳而疎進輒當先退輒殿後故勝則解貴陽之圍不勝則身受其創賢臣自募苗兵之後才等未展坐視喪師豈得妄罪撫臣

我為今日計兵將不可不簡也軍精不可不儲也招苗仲諭土司以解狐兔之悲購渠魁寬脅從以離豺狼之羣而又滇師下盤江粵兵移泗城蜀軍住遵義以合犄角之勢一舉萬全賊乃成禽待安邦彥授首安位母子悔罪投效然後許以削地自贖俾約束部落納糧馬如舊上是之

刑科給事中傅概言憲臣左光斗科臣魏大中色取行違臣久知其非德類也如內閣中書舍人汪文言本歛縣庫胥竊歲擬戍逃京師父事王安改名營納光斗不能追論而且引為腹心大中助其資斧招搖都市攬泊升遷借權璫為名群奸竇收其利借銓衡為市而端人反受其名不惟使疊案之

罪夫黜汚禁近且令一時之仕路盡出苟蹊世道陵夷害且
貽國遂下文言鎮撫司光斗大中不問

談遷曰仕路如竅端人剛士擇地而蹈猶若浼焉矧敢輕
其身于磷緇雜還之場哉汪文言脫逃刀筆濡王安之幕
快口豪者好言官府左魏目為異人延譽公卿間招權請
寄日行其私而左魏輩不悟也議者甚概之險鉗網始構
然比固已極即玄黃靜流終貽自戚先朝軍吉懷恩之賢
初未聞諸君子推重而群震之也

南京御史張繼孟追諭舊輔方從哲敗壞遼事所善同鄉錢
象坤上不憚奪俸三月

丙午賜貴州總督蔡復一尚方劍

吏科都給事中魏大中言宵小之志竄不便于銓院吏垣有
東正疾邪之臣冢宰銳意治平求賢若渴得鄒維璉程國祥
用之于銓而概且自危光斗僉院大中忝吏垣而概又自危
故遂維璉國祥并及吳羽文繼攻臣等擇人而食既詆君子
為小人必以真小人之尤號為君子奉壇坫之上外有倚內
有援而概之招權納賄始得矣上慰答之

談遷曰魏大中與概同官也雖薰蕕之異而辨宜婉不宜
詬宜詳不宜矜事本末易明而抗辭蜂涌何哉

左僉都御史左光斗言汪文言之貽雪前司寇前總憲也題

授中書舍人令閣臣也于臣何預樞紐東廠理刑傳繼教為
兄弟聯絡機鋒長安冷覩久矣上不問已傳樞紐辨傳繼教
本繫同宗族屬往來誰能廢之也

國子祭酒蔡毅中上廣規三書曰大學約言曰古文孝經曰
讀書章程

大理寺卿林熙春致仕進戶部左侍郎

吏部尚書趙南星以郎中吳羽文劾維璉不供職維璉揭引
章惇之攻蘇軾蔡京之錮司馬光乞詰責二臣何以不遵明
命誰為章惇蔡京者得旨如其言

丁未南京鴻臚寺卿劉文徵致仕進太僕寺卿

御史袁化中劾給事中傅樞逞私逆賢舉國將空上令各脩
職毋角口

戊申御史劉璞言古今大勢治亂在天下而整紛在朝廷何
謂絲一私搢大威一疏語多隱一處分太遲一部覆太文一
票旨互異上是之

己酉諭仍行當十大錢嚴私鑄

諭楚王進鯉鮓百斤酉黃魚十甜糟茄瓜薑薑蒿各一器又
中宮鱓鮓鱓鮓各百斤竝暫免餘加額

魏希孔廕錦衣衛百戶

工部尚書王舜鼎卒舜鼎會稽人萬曆戊戌進士筮仕刑曹

歷四川叅政按察使至今官學有淵源居官清慎贈太子太保謚

考功郎中鄒維璉言臣初調稽勲科臣傳魁草疏欲劾臣及臣往謁科臣章允儒陳良訓詭萬多端奉旨到任後三日彼逢人媢罵及轉考功忌刻彌甚迫同官吳羽文即日出城臣不得已拜疏求去彼再揭臣且及程國祥計甚狡矣臣引章惇蔡京不過喻錮人如惇京必竟亡益而為人所攻如執如光必竟亡損豈謂臣即執光臣卿即有惇京哉上令維璉及羽文還署國祥可即至任

太監魏忠賢輯私鑄廢賞御史劉廷佐言皇上于忠賢可謂有勞則錄然察錄而之奸非殊勲也安足為功從此殃及止辜株連疑似害可勝道哉不聽

命嚴訊汪文言大學士葉向高等言文言係臣題充史館舊名汪守恭前印輔忠叅革其監生值赦辨復諸臣見稱遂錄用之今得罪乞令法司確擬上不報因乞歸不許

庚戌總理河道工部右侍郎房壯麗予告

辛亥王時敏徐元案竝為尚寶司卿

叙徐淮禦妖功前總督漕運李養正進太子少保廢監賜金幣總督陳道亨等陞賞有差

貴州巡撫蔡復一言黔之潰兵不滿二萬臣自鄖入荆收兵

千餘所台阜兵尚未能至所恃施州鎮軍民兵不能即集又
皆驅市人也兵之窮如此餉則臣借鄖庫二萬搜括數千金
明旨給戶部太僕寺二十萬今未至也黔米每斗七八錢水
西亦饑甚而以大方所掠餉金十萬倍價購米苗寨苗米至
省遂寡官其日餉四分僅米半升截路掠米米益不至餉之
窮如此協援明旨非不森嚴然兩年來其效可觀滇兵不能
越盤江撫臣閔洪學疏可考天啓三年春周世臣領粵西兵
聞陸廣河失利遂自奔潰撫臣王三善督之又自謂粵官不
受黔制三善憤其不可用因有辭兵解餉之議今春蜀兵雖
住畢節實未至大方也援之窮又如此用人則黔中文武寥

寥選調視如虎穴又經兵疫有減亡增州縣乏人至借才鄉
官而鄉官亦盡矣人之窮又如此臣前疏請兵十萬兵部亦
當予臣十萬之實臣前疏留荆岳長衡南漕米不滿十萬石
用兵十萬歲米四十萬而黔中地荒截留南漕非二十萬石
不可將才難得願兵部精擇預發入黔為代贖之計又祁門
教諭立木嘉嘗捐貲制器協擒何中蔚宜假以一銜軍前自
效送之

五月甲寅朔錦衣都指揮同知署北鎮撫司劉儵以寬汪文言
削籍許顯純代之

工部員外郎馬明瑞竊官銜嘗地被盜亡何獲盜所搜官銜

俱郡縣鑄識者因削籍

乙卯南京光祿少卿李文熙為南京太僕寺卿

吏科都給事中魏大中前奏辨奉旨到任及報鴻臚寺面恩
傳旨互叅未結何得到任御史劉芳言大中到任皇上命之
也決辰之間自相矛盾不聽

丁巳賜毛文龍金璫餘將吏陞賞有差仍給勅百道待有功
者時秀水譚昌言為登萊叅政毛文龍藥遼人古戲倖昌言
庶得之密與解毒湯旬日古清乞命皆遼人也言其實編為
農

戊午太僕少卿黃龍光為右通政光祿寺丞涂一榛為大理

右寺丞南京光祿少卿陳采為南京太僕少卿

己未翰林簡討顧錫疇兵科給事中董承業主考福建刑部
主事劉餘祐大理評事馮之陞主考四川兵部主事吳時亮
中書舍人曹師授主考廣東戶部主事林肇開工部主事王
廷柏主考廣西

己未葉向高復求去曰臣方草疏忽見南臺臣黃公輔攻講
臣錢象坤慮臣去象坤且入閣臣愈愕懼士大夫之習象坤
者多稱其清修恬靜毫無訾議收卜大典自有公評亦何庸
如是之過計乎

浙江巡撫王洽以浙兵驕易噪求免調接黔許之

辛酉酉陽宣撫使丹躍龍以東西赴調屢效及其弟見龍殉
遼陣亡十七百餘人請賚卹命下所司

壬戌命順天尹禱雨

增鹽課除陝西河東池鹽雲南舊額不增而淮兩浙長蘆山
東福建廣東四川共增課五十四萬七千九百九十三兩

貴州總兵黃鉞求沿途召募不許

兵部尚書趙彥言諸臣僂力東事可必亡虞然與其來而制
之不如制之使不來在聯漠北携其交濟毛帥以牽其應也
朝鮮向為文龍所倚居其地資其糧不且久稽其封容臣論
侖同心合力以制敵從之

癸亥未時乾清宮東丹墀旋風驟作將內官監之大鉄片如
屋頂者盤旋如紙墮於西墀鏗訇若雷

甲子浙江左布政周延光為光祿寺卿光祿少卿劉復初為
左通政太僕少卿錢春為右通政河南按察使張樸為太僕
少卿

甲子沈淮卒烏程人萬曆壬辰進士選館歷太子太保禮部
尚書文淵閣大學士濡跡璫媼見訾不休遺疏引宋司馬光
仁明武三字非仁無以容衆非明無以燭奸非武無以決事
為獻贈太保謚文定

談遷曰烏程素無疾倉卒易箴其遺疏殆子弟意也撫按

不以訃聞烏程婦上書求卹允之并責撫按可以知烏程
矣

戶科左給事中周之綱疏陳時政官府之情意尚隔臣子之
實職未修寬嚴之調劑未平輦數之途徑當清亂黨之訛言
易止。上不懂貴其沽名

御史劉廷佐言自戊午發難於茲七年兵不可用餉益不足
懾於敵固弱也借接於西亦弱也誠乘彼驚伏討軍實而申
儆之至餉則厚糈施于驍勇分廩稱其才使使一餉有一餉
之用於以減軍中之冗濫而寬閭左之絲毫又乞免立枷寬
法外之刑不聽

叙土司援蜀功石砭宣撫司女官秦良玉子宣撫馬祥麟西
陽宣撫司應襲舟天胤各賞賚有差土同知陳思虞長官楊
光斗等各加服

乙丑戶科給事中尹同舉為太常少卿

丙寅薊遼總督吳用先言抵任後即歷昌薊諸路及山海關
外互寧遠衛知非關外難而關內難也關內三協延袤二千
餘里精銳盡調以東關內單弱不得不募新兵烏合之衆未
習操練不選則盜故練新兵不如練舊兵喜降口白馬關大
水谷潮河川桃林口界嶺口人馬俱通尤為要害先年有塔
臺烽燧近來傾圮班軍盡赴山海三年未築臣豫為估計補

葺以待兵集庶藩籬可固。上是之。

丁卯孫承宗求去舉趙彥自代不許。

銀定台吉糾海西古六台吉謀犯甘肅巡撫李若星豫備之。

總兵董繼舒擊斬二百三十七級。

刑科給事中沈惟炳請免立枷不報。

命中書舍人陳之濬獎諭四川土司。

庚午以早遣英國公張惟賢告南郊恭順侯吳汝胤告北郊。

尚書趙南星告社稷李宗延告山川林堯俞告風雲雷雨壇。

劉天錫禱黑龍潭。

順天巡撫右僉都御史鄧漢言薊鎮十二路東自山海西接

黃花鎮延袤二千里臣頃徧歷三協各關口雖無處不險而

平原大川可容數十萬大舉入犯又當貢使出入之路則喜

峰潘家口為最皆中協地也臣駐紮處距敵十八里而近中

協四路頃增兵五千連東協共增六千兵增則餉隨增然不

敢煩主計也於所屬地方一損益間即克用通州贏卒萬餘

強半虛冒斷宜裁止留兵四千守新舊城西協九千人其數

溢即內撥二千以補中協所省多矣下議部

平遠總兵毛文龍請餉百萬部議四十萬報可

廣西巡撫何士晉言安南都統使黎維祺政在頭目鄭松松

浚子杜椿爭立構殺安南大亂高平莫敬寬乘間直入維祺

走海上杜擊敗敬寬維祺復國但權歸鄭柘、恨高平封何
惇諒山副提兵攻莫欲犯宣化廣西兵餉單弱先年增兵五
十請留本省遠餉六萬有奇餉新兵至天啓二年而止乞再
留四十命部議之

登萊巡撫袁可立奏發兵出海之期言海上諸島對登州者
旅順也東則平島三山廣鹿諸島在焉他島但可往來停泊
惟廣鹿長山可屯兵如應援毛帥則二島為要若進窺遼陽
此島又為緩地矣旅順以西有平頭四山不可泊舟西則雙
島可住舟但薪水給於老岸未便也轉而西有麻洋島再北
則松木汶闊島皆隘淺不堪住再北則中島南北汎口也三

島皆環海其去岸遠者六七里近者三四里陸地抵復州三
十里蓋州百八十里水路抵蓋則半日程東南風利抵三島
覺華一日程耳如由蓋套入蓋州不十里由三岔入海不四
十里由海州入遼陽百一十里且三岔沃野百里井泉茂林
即克國之金城不是過欲借登兵以圖恢復則三島誠為要
路海外諸島之形勢大略如此今欲分地而守則旅順東各
島毛帥業已兵屯且迫近金州頃兵部議金州當為毛帥進
兵之地自當領之東鎮旅順以西則去平島窳遠恐東鎮鞭
長難及也今擬嚴正中等兵存旅順雙島之間與張盤牙制
素進等兵住兩汎中島之間與覺華犄角然南汎中島潮落

可渡防守宜嚴至隆冬凍合則皇城島入為大兵出入歸著
之處東西策應之衝議以孫承祖守之下兵部議之
辛未刑科都給事中李春燁言臣奉命核登撫陶朗先罪狀
逮問旨下九閱月而罪人未到何也又何棟如八萬之贓宜
下廷尉尚入京投謁何怪乎終日言清餉而餉不清終日言
懲貪而貪愈甚也

壬申右贊善蕭命官為右諭德

張安為中軍都督府僉書

故刑部郎中贈太常少卿馬德澧子嘉柱廕國子監

甲戌工科都給事中楊維新請發帑助慶陵并嚴那借考成

之法言外解虧百六十餘萬非盡在民也或州縣解府解
司各移而用之上下相蒙撫按不核安得不愈久愈多耶今
限州縣解銀係某項即鑿某項字於上及年月冊上之府府
冊上之司司並府州縣冊上之部則那移之弊可祛矣至考
成之法應解錢糧越一季作何罰治越二季罰倍之越一歲
則漸加焉以十分為率完及八分亡罰虧二三分作何罰治
四五分罰倍之六七分則漸加焉府不責之州縣則罰府司
不嚴之府則罰司撫按不嚴之司則並及撫按斷在必行如
此而猶虧額臣不信也、上以金花銀不許餘如故
乙亥南京禮部右侍郎張鼎亨告

戊寅故長興知縣石有恒贈太僕少卿廕監子祠祭主簿徐
行可贈湖州通判附祠

談遷曰長興雖有治聲突死於盜平昔之扞擻謂何而贈
廕祠祭得荷全典于法滋矣繁縷之惜未李誰其人哉

己卯南京禮部尚書黃汝良致仕進太子少保

夜有流星如盞大青白色自壁入于天倉二小星隨之

庚辰翰林編脩陳子壯戶科左給事中周之綱主試浙江簡

討丁乾學吏科給事中郝士膏主試江西編脩方逢年兵科

左給事中章允儒主試湖廣吏部考功主事孫昌齡禮部祠

祭主事丘履嘉主試陝西

辛巳督餉戶部左侍郎畢自嚴言海運始計一年兵額十萬

七千人與調到兵共十四萬每人月支五斗該海運米八十

四萬石春秋兩班防軍各二萬七千每下班日支米一斗合

八萬一千石共九十二萬一千石以料筮言馬羸三萬二千

七百匹各鎮調齊可四萬匹每匹支全料一石二斗六閏月

共二十八萬八千石放青六月月支豈九斗共二十一萬六

千石一項共五十萬四千石乃津門之糧運何如哉部議歲

額米八十萬內東充米二十萬原以該省加派銀十二萬八

千八百八十七兩二錢五分作為糶本每石價六錢有奇道

府欲增至八九錢今所解米僅二萬六千四百餘石才十之

一耳部議歲類益三十八萬內保定八萬石該銀四萬俱取
給於雜項該府止認一萬一千兩夫以原派米豈尚康：不
給令額外欲增米十二萬一千石豈三十萬四千石斯豈易
為力哉臣與司道悉心而議一議加本色今新漕將至截米
十二萬一千石而又以銀五萬二千於河間買十萬四千石
轉運開門此一策也一改給折色開門見銀四萬九千二百
餘可抵米六萬一千五百餘石仍例補滿十二萬一千石折
色之數料豈每石價七錢仍以銀七萬二千八百滿十萬四
千石折色之數令山海餉司於夏秋間量支折色米豈一二
月銀盡而止此又一策也命下部議

久旱至是大雨輔臣奏賀

固原華亭大雨雹傷稼塞上大旱

吏科都給事中魏大中糾霍丘知縣鄭延祚餽六十金下撫
按訊之

壬午督師大學士孫承宗上車營圖說計騎步二十四營合
為車營外有前鋒後勅騎兵七營合騎步九萬二千八百五
十六人內步兵四萬一千八百五十六人俱足騎兵五萬一
千人見少一萬五千七百八十九人議催各鎮兵可得萬人
其馬宜六萬三千六百十三匹令少六千五百八十九匹擬
於京營量選三千五百太僕寺量兌三千一百其各營所需

細大之數約七十餘萬乞發帑金二十四萬。上是之發十萬

安南祿州首韋德成殺何惇來獻初何惇入寇上思憐祥焚掠甚慘為患二十餘年至是撫臣檄安南賊之所侵村崗悉復

六月癸未朔勅存問周府應城王在銓齒德并旌其長子肅范封股孝行從周王肅濬之請

左副都御史楊連劾東廠太監魏忠賢專擅旨意多出傳奉公然三五成群勒逼誼襲政事之堂幾成鬧市罪一交通孫杰論去閣臣劄一燬冢臣周嘉謨急於剪已之忌不容。皇

上不改父之臣罪二執春秋討賊之義者禮臣孫慎行也明萬古綱常之重者憲臣鄒元標也忠賢一則逼之引疾一則嗾言官劾去顏於護黨氣歐聖母之人曲意綢繆終加蟒玉以贈其行是何親於亂賊仇于忠義罪三王紀為司寇執法如山鍾羽正為司空清修如鏡忠賢一則使人喧辱之去一則與沈澶構陷之削籍顧于側媚善侮者破格點用驟加一品以歸罪四國家寢重亡如枚卜忠賢力阻孫慎行盛以弘豈真欲門生宰相乎罪五去歲南太常北少宰皆點陪推以示不測罪六滿朝薦文震孟等抗論稍忤傳令降斥屢經思典竟阻賜環長安謂。皇上之怒易解忠賢之怒難銷罪七

去年、皇上南郊傳聞宮中貴人以貞靜荷寵忠賢恐其露
已驕橫謀之私比託言急病立刻掩死罪八裕妃以有喜傳
封忠賢捏偽旨勒令自盡罪九中宮有慶已經成男乃統電
流虹之祥化為飛星墮月之慘忠賢與奉聖夫人實有謀焉
罪十、先帝青宮四十年所護恃僅王安一人忠賢以私忿
矯旨掩殺于南海子餘內臣擅殺擅逐又不知其幾千百也
罪十一今日求獎賞明日立祠額王言屢襲近河間毀民居
建坊築慈築怨引恨吞聲罪十二今日廢中書明日廢錦衣
金吾之堂口皆乳臭誥勅之館目不識丁如魏良卿良弼良
材等五侯七貴何以加茲罪十三用立枷之法以示威前歲

初死皇親教人其排陷皇親欲搖動三宮也若非閣臣護持
言官糾正椒房之戚幾與大獄罪十四良鄉生員章士樾以
爭煤窰傷其璫脉託言開礦致死罪十五伍思敬胡遵道侵
占牧地徑自拷掠罪十六周士樸執糾織監在工言工竟停
其陞遷使因頓以去罪十七北鎮撫司劉僑不肯殺人媚人
竟令削籍罪十八科臣魏大中列任奉旨鴻臚寺報單忽傳
詰責罪十九忠賢受事東廠鷄犬不寧野子傳應星等招搖
引納陳居恭傳繼教助之片語違忤駕帖立下勢不至與同
文之獄刊黨禁之碑不已者罪二十韓宗功潛入忠賢之家
事露始避發銀創肅寧新城可作郡鳩罪二十一同奸輔沈

漼創立內操安知無太盜刊容寄名家丁倘或伺隙可為塞
心罪二十二近日忠賢進香涿州鉄騎簇擁蟒玉追隨警蹕
傳呼歸則駕四馬羽幢青蓋夾擁環遮入幕密謀叩馬獻策
者實煩有徒罪二十三忠賢今春走馬御前皇上射其馬貸
以不死迺有傲色退有怨言罪二十四奉聖夫人客氏又彌
縫其罪戾而遮飾其回哀故掖廷都城即大小臣工皆知有
忠賢不知有皇上乞正法以快神人之憤客氏俾居外宅
無厚其毒得旨政事朕所親裁至中宮裕妃等事宮壺嚴密
外廷何以知之馮臆結禍是欲屏逐左右使朕孤立揚連借
端沽直本欲窮寃念時方多事朝端不宜紛擾姑不問初魏

廣徵入相先結魏忠賢為族密導以邪徑及連疏上忠賢頗
懼謀于廣徵謂必去葉向高而可

甲申太僕少卿曾陳易為大理右少卿

魏忠賢辭東廠乞罷上慰留之爾聞言增惕不一置辨更
見小心蓋魏廣徵所擬也楊連疏尚留中葉向高等請并發
叅議乃下漣疏切責其尋端沽直向高語左贊善繆昌期曰
揚大洪疏何易也渠於上前時有匡正上嘗獲飛鳥渠
不令上小瑞賜緋叱而禁之亦誠愨人也蓋向高懼禍謀兩
全竟不能力持

乙酉丁元薦為尚寶司丞

故吏部尚書梁夢龍贈少保予祭葬

給事中傅樾陳良訓御史張訥各疏攻趙南星左光斗魏大中鄒維璉等

丙戌故贈禮部侍郎吳中行孫儼思廕監

通州新兵譁戶部急以漕折萬金餉之

丁亥行人左司副史記事為尚寶司丞

保定地震壞城郭人畜

以建昌道梗命雲南試官如壬午科例聽巡按徵辟前遣官還京

戊子、上御皇極殿遣使各藩冊榮府仁和王由梈咸寧王

由榕惠安王常澠周府奉新王肅滋代府吉陽王禹金

己丑吏科都給事中魏大中等劾忠賢種、罪案、皇上

引為親裁種、逆狀代為分割即楊漣疏列風聞之事懷冲

太子何以不育裕妃何以自盡、皇上南郊之日胡貴人何

以無疾而暴立是、皇上身為天子而三宮列嬪盡寄性命

於忠賢與客氏之喜怒危如朝露能不寒心宜納憲臣之言

按忠賢之罪斥客氏就外宅下傳繼教傳應呈于獄治其內

外交通之罪、上以附會不問御史劉璞劾忠賢八罪太常

寺卿胡世賞等交劾不聽

江西道御史楊廷烈言鄒維璉調部同鄉之疏揭相尋不休

亡何而傳檄又波及左光斗魏大中且借汪文言為議論矣
乞皇上簡發諸疏會議從之

巡撫寧夏右僉都御史魏雲中請脩復黃峽宿寇諸口石關
三道蓋自哱劉亂後迄北來機毀三關墩堡漸頽官兵遂不
敢上賀蘭山兵巡在外而敵反內之上令如議

壬辰南京戶部郎中彭遵古為南京光祿少卿添注
癸巳午刻南方五色雲見

葉向高言、皇上誠念魏忠賢當求所以保全之莫若聽其
所請且歸私第遠勢避嫌以安中外之心中外之心安則忠
賢亦安、上以舉朝聞然殊非國體卿與廷臣不同宜急調

劑釋諸臣之疑

乙未禮部 侍郎李騰芳憂去進禮部尚書兼翰林學士
庶事府禮部尚書翁正春等請令魏忠賢引退以全旦夕之
命劉瑾汪直馮保諸人已自明鑒語曰權不可恃威不可逞
臣等又願忠賢之亟自裁也不聽

魏學洵曰大業既開南北司訛言如沸牀內者曰早朝將
面奏牀外者曰宮中事將面鞠頗聞面奏之罪名驚駕則
立擒楊公方躊躇不輕發而內已懼之一日早朝群表甲
以出氣息怫然甘露之變在旦夕而一時家宰所推次輔
所擬內又且唯、相奉以求成故諸君子姑緩之卿使持

之益激必面鞠苟面鞠。皇上必袒內不袒外外弱也將起大獄外強也或致急兵縉紳固困之塗炭宮禁亦困之動搖追咎者又未必不憾諸君子之過激也

丙申大雨雹

皇子慈焞薨謚悼懷太子

丁酉傅淑訓為太僕少卿

內官胡進等騎入禁門傷守卒命內官責降

吏科給事中陳熙昌以魏忠賢事閣臣宜一力擔當劾諸臣所不及効之忠安可以調停了局也不聽

戊戌楊應瑞為

將軍都督

總兵鎮宣府

工部七田郎中南昌萬燦言臣向承乏寶源局目擊銅斤匱乏人言內官監廢銅器不下數百萬但一移文旦夕可至臣因移文請發數月不報三月壬午具疏特請忠賢益怒旋出中旨何得再請嗟。以廢銅鑄錢令陵工早竣未必非一節之忠二事之效何專制不發哉臣猶記二月詣陵過香山碧雲寺見忠賢所營墓彷彿陵寢曾不以營墳墓之急而為先帝陵寢急於廢銅鑄錢一事斯一引手之勞而不以救萬分之急也 上怒其狂悖杖之百削籍燦遠赴午門先被毆竟卒杖下燦丙辰進士崇禎初贈光祿寺卿弘光時謚忠貞協理京營兵部左侍郎朱光祚言馬政一領馬得人一辨官

軍之實一增鑄營印以杜虛冒一車駕司勘合宜留意一立
圍師講蒞飲針療之法從之

撫寧侯朱國弼論魏忠賢宜罪命間位奪祿三年仍命錦衣
衛逮書奏人及舍人

庚子陳宗弼為太常寺卿高推為少卿

辛丑南京太常少卿余啟元致仕進太僕寺卿

壬寅袁吉士胡尚英補簡討

兵科給事中吳弘業言建昌以五衛八所扼四千八洞寨之
蠻獠額軍五萬有餘屯糧五萬有餘內地協濟糧米十三萬
有餘今僅存五千二百餘人欲以禦千五百里之烏道其可

得乎今留永寧遵義兵萬餘簡精銳戍越嵩亦急則治標之
善即以開路銀六萬為餉所薦僉事胡平表都司陳廷對即
留任鎮守建南從之

逮巡城御史林汝蒿杖之百削籍時內監傳國興曹進等扶
人命劫殿汝蒿杖之司禮太監王躡乾奏聞旨下汝蒿亡去
奄人緹騎百餘以葉向高鄉人索于私第環詢之向高以聞
韓爌等亦言元老無端被辱且汝蒿暫避不出亦寧死。皇
上之杖不死中使之毆耳萬無逃理亦不聽亡何汝蒿投薊
撫鄧漢以聞仍逮杖之

霍州高時正家生豕二身二眼象鼻四耳四乳

甲辰命鴻臚少卿王守謙往關門勉留孫永宗防邊

乙巳刑科給事中傅樾奏僉駕帖原有常規增差內官大違明制萬燦被毆林汝翦不過畏內牆之兇鋒恐不得以正命死耳內官百十成群執之毆之勢損聖德莫此為甚上命今從駕帖如舊文武官按品級輿騎否即指奏

丙午禁京營冒充官馬從太僕卿黃運泰之請

丁未四川總督朱燮元倖偽都督李遠達等二十五人至京戊申朱萬春為左通政

刑科都給事中李春燁等請罪魏忠賢并治內臣矯旨遠人擅毆者不聽

江南大水應天巡撫周起元浙江巡撫王洽俱告灾大學士顧秉謙請按田派米戶田萬畝派糴米千石餘以次遞降一議改折一留閏稅一准贖罪一減織造下部議

己酉孫之益為太僕少卿

應天府丞桑學夔致仕

庚戌蕭毅中為大理左寺丞涂國鼎為南京太常少卿

辛亥封光廟選侍傅氏為懿妃李氏為康妃

歐陽調律為太僕少卿張廷拱為大理右寺丞

叙薊遼撫胡功滿桂揚元吉趙率教各進署都督僉事進朱梅副總兵閻守信游擊黃應甲等守備

壬子彭際遇為大理右少卿

吏部主事徐燠行人周鏘主試河南工科給事中熊奮渭兵部李繼貞主試小東尚寶司卿姜忠禮戶部主事熊師旦主試山西

七月癸丑朔巡撫順天右僉都御史鄧漢言林汝翥畏罪潛逸懼如萬燦隕命群璫之手上命逮入杖之

乙卯御史潘雲翼言群璫毆死萬燦有傷國體

辛酉大學士葉向高引去

壬戌兩廣總督胡應台言廣州民變以米貴由于私販毆知府程光陽辱及按臣立斬首亂五人乃定

朱光祚為工部尚書總理河道南師仲為南京禮部尚書

癸亥御史劉廷佐言皇上杖燦猶可言也皇上為忠賢杖燦不可言也忠賢得旨而杖燦猶可言也令群璫自寓至午門毆斃不可言也

六科廓災

御史李應昇訴萬燦之寃言祖宗養士二百餘年一言觸忤褫辱身死豈所以作忠而勸士哉夫緘口以待遷厚利也危言以招戮實禍也身死而天下悲其忠虛名也舍榮妻子肥身家之計而博此虛名將焉用之况乎傷殘遺體備諸焚毒以從龍比于九原此魏徵所以不願為忠臣也廷杖重典殊

失士心為左右計則得矣聖德寧不重傷耶

乙丑南京給事中楊棟朝論魏忠賢罪已御史趙應期楊玉珂交劾之

己巳太常寺卿盧大中言祀典宜明謂關羽所封三界伏魔大帝神威遠鎮天尊查往牒亡據詢其所自云萬曆甲寅年中宮奉袞冕併神號謂特封者並不牒部今舊典無稽非所以昭祀事而安神靈也

庚午南京太常寺卿由用懋言其父萬曆時定儲之功

辛未太常寺卿鄒德泳言申時行同官進揭冊立時行獨上章曰昨日之揭臣不與知只此數字時行之罪定矣尚何言

哉

丁丑南京兵部尚書陳道亨右侍郎岳元聲等合言忠賢惡貫既滿必不可容楊漣疏詞逼真必不可棄此豈盡仇于忠賢而比昵于楊漣哉凡以公聽並觀見忠賢假心小勞恣其大逆邇來朝政參差物力凋耗豈無召致而然乞將忠賢罪狀即賜處分不聽

辛巳召閣部吏科河南道至乾清宮大殿時上鼻衄諭祝學俟明年行之

八月癸未朔甲午在都御史孫瑋卒渭南人丁丑進士遺疏薦劉一璟鄒元標王紀孫慎行鍾羽正曹于忬文震孟滿朝薦

等乞行錄用贈太保謚

時推楊漣署印不報御史李光

春請總憲簡推品望以給事中陳良訓疏補總憲諭取在朝
俸深者意戶部尚書李宗延也故光春及之

太常寺卿鄒德泳上列祖講筵芳規正錄八則

丙申夜月食

戊戌禮科給事中霍守典劾都督李承恩乞恩乘轎之違例
壬寅給事中羅尚忠言內廷之留中漸多刺及忠賢

癸卯高攀龍

都御史

給事中王鳴玉劾葉向高陳長祚

辛亥李維禎為南京禮部尚書

九月壬子朔勅各省搜訪志傳詳史館從御史劉芳之請

刑科都給事中李春燁為湖廣七參政

己未工部尚書陳長祚免

庚申貴州巡按御史傅宗龍奏誅吳氏黨陳其愚其愚凶狡
多計至是伏誅

戊辰督師大學士孫承宗疏救楊鎬熊廷弼王化貞求末減
違戍又云經撫不可兼役廷弼化貞政兼役之害致兩相牽
而不得盡向使任一人以責其成而事不中制人不多言彼
一人其何說之辭至于佟卜年始付臣為招降之用如其事
有可疑臣從軍中法易行耳諭楊鎬等朕姑待以不死佟卜

年果係軍機再密奏定奪

刑科給事中顧其仁等請誅遠左失事之臣李維翰楊錫熊
廷弼王化貞

左都御史高攀龍劾兩淮巡鹽御史崔呈秀貪穢命奪秩勘
奏

吏科都給事中魏大中以御史陳九疇叅晉撫謝應祥力言
其可用謂郭尚友謀晉撫以啖之也

庚辰馮從吾為工部尚書

十月壬午朔乙酉曾于汴為南京右都御史

已丑戒諭百官勅曰近日蹊徑岐分意見各別愛憎毀譽附

和排擠大臣顧惜身名動思引去小臣占風望氣依違自全
職業不修政事隳廢當由綱紀不肅結黨徇私以至於此特
戒諭爾等各條慮深思更弦易轍

辛卯巡撫河南右副都御史程紹遠副使張夢鯨進玉璽云
九月乙卯臨漳人邢一奉耕于漳河西得之增紐方四寸厚
三寸重一百十兩篆曰受命于天既壽永昌議告郊廟羣臣
稱賀頒詔天下賜程紹遠張夢鯨金幣

壬辰吏科都給事中魏大中御史李應昇劾魏廣微驕蹇祀
太廟不至被糾悻々疾視諸臣廣微遂引疾乞休

甲午會議陳九疇叅謝應祥及魏大中夏嘉遇相許事上以

謝應祥于魏大中有師生之雅事屬自欺且去輔事以門生
招議大中欺朕幼冲杞待會議夏嘉遇陳九疇互相攻訐成
何政體大中九疇嘉遇各降三級謫外給事中沈惟炳疏救
亦降一級謫之

丁酉吏部尚書趙南星乞休許之

命鴻臚寺官諭留魏廣微

己亥左都御史高攀龍罷

辛丑戒諭羣臣有元兇已放羣小未安之語

壬寅給事中許譽卿等申救趙南星謫外

丙午前大學士朱國祥卒秀水人癸未及第贈太傅謚文恪

申用懋曰易有之鶴鳴而子和豚魚以中孚音哉斯言蓋至誠
未有不動物者恪心納牖亦由斯道也已三朝鼎革之際
人所難言士大夫俱以意氣相高務名而不務實計身而
不計國家孰若朱太傅門可羅雀清芬自遠而名實孚于
上下卒先幾完節以去非至誠惡能若是乎及當事變宛
轉墟荒聊存國是而于宗社至計不惜讜言以回主聽洵
哉仁者之勇矣

己酉吏部右侍郎陳于庭左副都御史楊漣左僉都御史左
光斗削籍時推喬允升馮從吾為太宰謂黨庇也吏部郎中
張光前御史房可壯袁化中並調外

十一月辛亥朔王天瑞進永寧侯郭振明進博平侯

甲寅責輔臣票擬失當近乞肩輿乞進俟卿概應如魯平章謂何追念去輔在時或未肯屑越卑舛至此復諭次輔勿坐視依違

乙卯四川總督朱燮元加兵部尚書毛文龍為左都督

辛酉諭督師大學士孫承宗留鎮關上可急還山海以求入朝賀也

壬戌崔景榮為吏部尚書李宗延改吏部尚書署都察院已巳大學士韓爌引罪乞休許之初葉向高與魏廣微相左臨發語朱國楨曰南樂內有所恃咄、逼人不得不避蒲州

更非其敵必不能久子宜早為歸計卒如其言云

壬申給事中陶崇道言四事慎起居去疑表慎命名鑒下情請外以既有旁蹊借徑語也

諭近例轉各官多不公徐大化孫杰可升京堂霍維華郭興治賈繼春楊維垣俱起原官以御史潘士良署河南道許宗禮為吏科都給事中

上出內帑六千金給宛平大興煮粥賑饑

十二月辛巳朔征南將軍黔國公沐昌祚卒自隆慶三年嗣爵領鎮五十六年命其孫啓元代鎮

甲申巡撫陝西右僉都御史宋槃奏西當民變殺知縣牛得

用

己丑周希聖為南京戶部尚書

癸巳雲南巡撫閔洪季言沐鎮莊田臣前疏爭之爾時逆科其害奉旨不必遽更今逾一年矣驛騷更甚乞命有司徵收以救此一方民命莊田仍該鎮徵收嚴戒員役不許生釁丙申御史張訥劾趙南星壞政十罪上命張訥指其事言南御史王允成改北臺綱何在鄒維璉程國祥夏嘉遇調部亦壞成規上是之命俱削籍初訥元樸營升巡撫不得故憾南星

禮科給事中李恒成劾北學貢士周鳳翔王良佐翁兆雲沈必成康九經劉世科浙人李喬春張應祺江右人黃鼎徽人並竄籍宜奪命回原籍俟後科會試

壬寅大孝士朱國楨罷初蘇松兵備朱童蒙蚤死告灾者民大闕遂引疾國楨擬票允朱延禧擬擢京堂國楨遂引去刑部尚書喬允升罷以黃克績為工部尚書郭尚友巡撫保定張樸巡撫大同

癸卯應天地震如雷

乙巳命史記事李炳恭丁元薦賀煥沈應奎仍照計典革任毛士龍削籍王元翰李邦華閑位孫鼎相魏大中回籍聽勘汪文言仍建治文言善刺人陰事喋喋可聽早出已預為爰

書列所惡姓名以上人猶稱之曰奇男子云
巡撫應天右僉都御史周起元削籍以疏救同知楊姜悖旨
曲庇及前劾朱童蒙也

乙丑天啓五年

正月庚戌朔左諭德繆昌期罷

辛亥許崔呈秀復官

甲寅給事中李魯生言朱童蒙疏論講學亡何例轉遽以病
去皇上持旨留之而周起元參疏至矣諸奸傾陷正人動曰
中旨夫旨不自中而誰出哉執中為帝宅中者王而旨不得
稱中必由汪文言之閔說王安之交通閣部之雷同而後

為旨則旨真外矣自小人得志屏逐忠良如阮大鍼陳爾翼
張素養李嵩張捷等或例轉或病去願皇上再起之命召阮
大鍼等

丁巳南京禮部尚書李維禎引疾去

壬戌戶部主事譚世講先任順天推官見劾遂奏辨下吏部
重論

戊辰南京考功郎中王象春削籍以給事中陳維新糾之

壬申吏部舉卓異閔夢得等二十四人

甲戌改省善書院曰忠臣祠從給事中李魯生之請

前太僕寺少卿劉宗周削籍以矯情厭世也時削籍者並奉
告躬

乙亥董其昌為南京禮部尚書李養正為刑部尚書

左副都御史喬應甲言三朝輿論漸明略曰吏部職司用人趙南星年老昏蔽為群小所欺舊淮撫李三才君子中其魔術小人利其重賂世界三十年不使一日寧靜科臣章允儒謂鄒維璉先營壘卿繼營督卒遂入考功覆疏年例多出其手汪文言罪人南星開釋葉向高題授中書代李三才營陞非南星之欺皇上乎謝應祥推山西巡撫夏嘉遇于會推前一日魏大中請嘉遇見署河南道袁化中非南星之欺皇上乎陳九疇疏言謝應祥師也大中門生也高攀龍為南星京房之門生師居太宰門生總憲為拾遺討用大中又用化中

化中入臺即保曹于汴等皆三才黨南星知之乎王德完忠臣大中以德完會推不舉三才疏叅之南星知之乎會勘九疇之疏同事則高攀龍案呈則鄒維璉矢口舉大中日品高如山冰山乎太山乎嗟南星昏耄臣敢糾正如此

丙子禮部右侍郎何如寵引疾命閑住謂實錄未竣引疾規避也

丁丑喬應甲言門戶略曰歷年救下傳自言詹外廷不與馬李三才任淮撫十三年加尚書謀大拜當年授意南道段然疏有祖制廢弛已極內外登庸宜均蓋為三才地也嗣是議論鋒起有保三才復有叅三才此門戶所絲分也後三才駐

私難掩又匿陳增稅銀出一奇策借勢顧憲成投閣部院三書書從宣大巡按吳亮封入疏內臣東林人也又保三才臣一言以蔽之曰不貪此東林之名所自來也有東林則有羽翼張問達假門內以翻局趙南星假門戶以固局乞皇上查段然吳亮之疏付之史館為門戶之証明日應甲又言科臣傅槐疏有李三才托汪文言行賄謀陞房可壯特薦取旨如寄可壯之薦三才云人言三才好推臣特患不好推一時直臣交章劾王德完吳殿邦徐揚先周宗建皆叅三才與魏大忠為敵此外朱欽相劉弘化張捷徐景濂乞各疏付史館記之

戊寅慶陵成進孫承宗少師兼太子太師顧秉謙朱延禧少傅兼太子太師魏廣徵少保兼太子太傅廕中書舍人舊輔葉向高加上柱國朱國禎進少師兼太子太師內臣俱廕惟魏忠賢廕都督同知工部尚書柳佐等各陞賞有差已郊南京兵部尚書陳道亨罷

二月庚辰朔湖廣山東江西福建主考官方逢年等各鑄三級謫外以策問語譏刺也

甲申大學士顧秉謙魏廣徵主禮闈

大理寺丞徐大化言聖政宜常以攻趙南星遂命錄用何熊祥王永光朱一桂陸卿榮王伉秦聚奎汪慶伯徐揚先郭聲

劉廷宣邵輔忠姚宗文范得志

丁亥貴州巡按御史傅宗龍言撫臣王三善大剛則折督臣楊述中太柔則廢易曰二人同心其利斷金今二人不能同心是以有與尸之凶然撫臣全城捐軀即以功論可也謂督臣忌撫臣以為孤注兵無後勁糧餉不繼陷撫臣于死而督臣疏辯謂三全斯蜡鴨池陸廣檄道將四路並進非以撫臣為孤注也至于悞聽奸猾之口言撫臣被執不死則督臣昧心之言也撫臣死矣督臣不可不議罰也

貢士童學顏准會試從大理寺丞徐大化之請

戊子御史劉廷佐鑄三級謫外以黨救考官也

辛卯偏沅巡撫右僉都御史李仙品太常寺卿李應魁順天府丞楊廷筠罷以南京給事中楊朝棟糾之時糾及王之臣魏忠賢以魏廣徵荐之言之臣邊才不易得仍任廣徵通內之扎簽云內閣家報自惜薪司大監王朝用轉達

工部郎中徐在中免同官門洞開發其奸私仍聽勘

丙申巡按山東御史魏光緒以薦被察鄒縣知縣郭人吉謫之

辛丑命京堂自陳張鶴鳴申用懋王永光許弘綱高周祚俱需用從御史崔呈秀疏薦也

南京御史張錫命薦阮大鍼

乙巳戚臣李承恩下鎮撫司獄以擅用赭黃袍龍盒等承恩
係世廟寧安公主子魏忠賢利其宅不應誘蒼頭以擅用
蟒袍龍盒告東廠承恩方赴宴被執掠其家赭黃袍一實先
年公主優人物色且渝竟論死

刑部右侍郎王之寀削籍御史楊維垣論其倖功冒進也

三月己酉朔壬子工部主事曹欽程劾周宗建私引邪黨張慎
言慎言先任曹縣侵庫金三千後令石三畏查出劣處王官
李應昇專護法東林黃尊素薦座師鄒維璉命並削籍宗建
慎言仍命撫按追贖蓋慎言自壽張調曹令入臺繼任曹守
勛後則石三畏三畏貪墨以文選郎中張元芳為慎言同鄉

疑其劣也故欲叙程劾之

癸丑王在晉為南京吏部尚書王永光為南京兵部尚書畢
自嚴為南京右都御史

劉瓛涂世業黃公輔萬言楊虛化鰲并削籍以給事中霍維
華論之

甲寅上幸太學內臣魏忠賢王體乾皆賜坐大臣不得賜茶
丁巳烏撒叛目安效良寇害益熾方不克副總兵表善宣撫
使沙源力戰敗之

戊午命逮募兵御史游士任下詔獄以給事中薛國光劾士
任侵餉焦明遇黨庇也

御史喬承詔鑄三級誦以悞舉解經邦不遵旨回道託疾
癸亥禮部左侍郎張爾引疾削籍謂詐疾要名也

甲子甘肅巡撫右僉都御史李若星削籍以汪文言引其五
千金開府也

乙丑御史崔呈秀領魏忠賢指貴瀋城廣都督僉事賜勅以
旌

白所知為工部尚書營左監

壬戌前尚寶少卿一長與人為曆丙戌進士授中書
舍人歲言事已亥中書功法庚戌起官遷禮部主事又言事

去以氣節講學名

丙寅策貢士賜余煌華琪芳吳孔嘉等進士及第有差

戊辰貴州總督蔡復一言將領故違節制土兵倡叛逃潰損

失二千餘人叅總兵魯欽劉超失律初欽超克嚴頭寨乘勝

深入至織金敗績

命太監王敏政胡良輔封李傑為朝鮮國王道皮島賜毛文

龍金蟒又金四萬蟒紵一百二十以備賞功

己巳太僕寺少卿王尊德言黔師大潰命提督移住遵義黔

撫更推

御史王大年薦范濟世徐景瀛岳駿聲從之並起原官

甲戌貴州總督蔡復一免以總督川湖兵部尚書朱燮元兼

貴州

李長庚為戶部尚書兼右副都御史巡撫天津督理糧餉
乙亥命逮楊連左光斗袁化十魏大中周朝瑞顧大章同汪
文言訊之其受賄各官趙南星王之案熊明遇惠世揚毛士
龍繆昌期鄒維璉黃龍光黃正賓鄧漢李若星盧化鰲徐良
彥錢士晉施天德並削籍命撫按勘問共追贖六萬金

談遷曰梟鳳不共音薰猶不共臭汪文言以胥史之賤實
附王安其人何足數者或泣或笑託護國本投合善類辭
嗟怨謝諸君子獨不思元良之定羽翼何為即耆舊如四
皓端謹如李泌無所容黨髮之力文言悞而貪國家事友

資彼擁植耶雖黨論辨假清流可濁而失足鼠輩借叢依
窟請問通貨不云全証人必自侮起諸君子於九原諒無
為辭責也

四月戊寅朔辛巳汪文言死於獄

甲申周應秋為刑部尚書協理部事

丙戌給事中霍維華言三朝慈孝無間一代實錄當確上是
之命毀監生楊維休私刻泰昌日錄
宥李可灼成

總督兩廣兵部右侍郎何士晉削籍給事中虞廷陞黃承昊
論其黨護王之案

癸巳南居益為工部右侍郎總理河道王之臣為兵部右侍郎總督薊遼

戊戌阮大鍼為太常少卿余大成補職方郎中以給事葉有聲劾前大學士劉一燝關訖行私命一燝削籍

庚子復王業浩游鳳翔御史高攀龍削籍鳳翔例轉廣州知府上言方高攀龍當用臣有濫廢濫官濫起之疏故忌臣囑

夏嘉遇外補也

甲辰前御史方震孺削籍逮入以給事中郭興治劾其黨比熊廷弼也

乙巳御史田景新劾貴州總督張我續及職方郎中方孔炤

削籍

五月戊申朔庚戌兵部尚書趙彥罷商周祚為兵部右侍郎總

督兩廣朱欽相為右僉都御史巡撫福建

辛亥御史陳以瑞劾少詹事錢謙益及沈正宗俱削籍

乙卯命徵王之寀贓二萬金還鄭養性京師從前刑部郎中

岳駿聲之奏

浙江巡撫右僉都御史王洽罷

烏撒叛日安效良敗回至得勒值水西安邦彥兵至藍倉復攻雲蓋效良者邦彥之親也順逆惟水西是視水蘭皆叛滇撫閔洪李以兵力不足暫糜之令擒賊自贖效良亦伴順擒

安應龍以獻至是見黔師出陸廣漢師入霑益有撫背扼吭
之勢遂合蘭水霑益安南諸部三十九營直攻霑益副總兵
袁善宣撫使沙源力戰五日夜破走之

壬子右庶子葉燦光祿寺卿錢春遵化道按察使張光縉並
削籍以御史門克新論其黨比仇正也

起王志道汪慶百並太常少卿劉廷元徐景濂郭如楚張捷
並太僕少卿

御史崔呈秀請括保定河間民兵鎮江備倭軍需并追贖捐
助於是檢括帑羨勒派助工陪京郡國所在騷然

丁巳詹事府禮部尚書翁正春罷

已未守制吏科都給事中劉弘化削籍南京太僕寺卿吳炯
罷以御史石三畏劾弘化貪橫黨奸炯失身獻媚也

給事中楊所脩言三案宜做明倫大典命史臣成書以示天
下

庚申賊至馬龍副總兵袁善擊破之斬二千餘級已犯尋甸
又敗之

南贛巡撫右僉都御史李成名疏謝犯御諱免官

癸亥御史周維持糾趙彥及其子昌胤受劉惟忠險附俱革
職張問達招引王之案姑閑住周嘉謨倚庇王安削籍

乙丑上祀北郊回即幸西宛泛舟太液池身自刺舟二瑞佐

之相顧歡笑若登仙然忽風起舟覆俱墮水內豎譚敬入水
救上二璫皆淹斃

免
丁卯刑科給事中杜齊芳論南京太常少卿陳幼季衰冒勒

禮部尚書翁正春罷

庚午太常少卿甄淑削籍光祿少卿張光芳閑任以御史汪
裕糾之

禮部右侍郎徐光啓罷驗封郎中馮時來削籍御史智鉉奏
光啓招練無功時來賍私狼籍也

辛未高第為兵部尚書

六月丁丑朔延安大風雪三日是歲大饑人相食

傳制各藩吏科都給事中陳熙昌冊封光澤王

罷
戊寅御史宋師襄薦盛以弘以私濫謫外禮部尚書蕭雲舉

巡撫延綏右僉都御史翟鳳翀削籍廣東巡按御史胡良機
不候代出境削籍

庚辰濟南飛蝗蔽天落處秋禾蕩盡

辛巳太常少卿麻僖罷御史陳世俊參其邪黨

兵部左侍郎張鳳翔削籍奪蔭御史陳朝輔參之

壬午御史田景新糾次輔朱延禧

乙酉王紹徽為左副都御史起商周祚兵部右侍郎兼右僉都御史總督兩廣

丁亥御史李喬崙陳必謙前稽勳郎中張國紳並削籍以給事中潘士聞叅其邪黨

戊子大學士朱延禧罷

庚寅簡討姚希孟削籍南京光祿寺卿游漢龍閑住給事中楊所脩叅之

南京兵部左侍郎岳元聲罷

鄖陽巡撫右僉都御史畢懋康前吏部左侍郎李騰芳並削籍御史王際遠論之

司禮太監韓世祿劾

知縣唐紹堯貪墨忤法遣官逮之

大理寺丞劉思誨辨其枉被謫

壬辰黃汝良周如磐為禮部尚書署理詹事府

丁酉選庶吉士楊汝咸等十八人

前禮部尚書王圖巡撫保定右僉都御史程正己吏部主事程國祥禮部主事趙昌運南京光祿寺少卿彭遵古御史李日宣並削籍御史劉弘光劾其黨邪之原

起陳于庭補廣西道姚祚端補福建道王雅量補四川道游鳳翔補南京廣東道御史

庚子九門提督太監金良輔劾御史倪文煥擅杖官軍上責

之

吏部
職私也

司

劉行義王任杰罷御史周維持各共

前御史田一甲言臣前糾孫淳李三才胡忻朱光祚等今值
纂脩之候豈容道于一字之舛命宣付史館工部尚書朱
光祚太常寺少卿胡忻削籍錄一甲京堂

七月丁未朔南京刑部尚書胡應台罷御史莊謙劾其黨

楊漣周朝瑞左光斗魏大中顧大章袁化中下詔獄令五日
一訊徵贓方震孺下刑部獄

辛亥太僕寺卿韓策汪先岸削奪官誥御史袁鯨叅策為南
星所引先岸與文言同宗也

癸丑北鎮撫司許顯純奏請楊漣等送法司追贓定罪諭以

楊漣等黨比熊廷弼淪沒封疆且納賄招權移宮一事隋朕

不孝罪惡滔天許顯純等何擅求送部仍嚴比不得寬縱

諭刑部罪囚陶朗先游士任方震孺唐紹堯等角巾色衣非

法於是主事林曾引罪

給事中杜濟芳請卹故貴州巡撫王三善不許

欽人蔣應陽嘗事熊廷弼授守備至是候廷弼於獄東廠誣
執之以入獄營謀命重論魏忠賢以緝奸功加磨一級

封容妃任氏

前太僕寺少卿何棟如戍滁州以募兵于浙使連東侵餉也
庚申前左副都御史楊漣卒於獄漣應山人萬曆丁未進士

今帝熟治最擢給事中歷今官負氣節賈往敢任獄卒承指
盆死之有絕筆同獄孟淑孔藏馬許顯純并殺淑孔又火其
血書珠商某記之得傳血書云漣今死杖下矣瘕心報主惡
直仇人不為張儉逃亡亦不為楊震飲藥欲以性命歸之朝
廷不面妻子一環泣耳訊問之時枉坐賍私殺人獻媚五日
一比家傾路遠交絕窮途身非鉄石有命而已雷霆雨露莫
非天恩仁義一生死于詔獄難言不得死所惟我身受顧命
託孤寄命臨大節而不可奪持此一念可以見先帝對二祖
十宗與天下萬世矣漣沒仍下撫按録其家德安知府李行
先設簿募完應山知縣夏之彥捐資助納崇禎初贈右都御

史加贈太子太保謚忠烈

陳仁錫曰痛哉揚公刀鋸殺之生前借題殺之死後勒追
以殺子孫塗抹以殺青史邪橫以殺人心其奈人倫天道
何然子孫賢不可殺青史嚴不能殺人心治不敢殺則亦
自殺其心而已卒之全給謚廢建祠賜額而後知楊公之
死死而生矣向之論、訛、自謂生榮者今安在哉

談遷曰詔獄諸君子楊文孺氣最勗禍最惜而死亦先之
方其兵垣上書先廟特召對預於顧命瑣臣之奇選孰逾
文孺宜感奮而不顧其身也排闥定位移宮避嫌俱首自
文孺真有杜延年李固所不敢望者事定之後諸人影附

響集欲其其功議論相尋始而衍中而激末而潰於朝廷不
惟蛇之足且為象之聲矣嗚呼文孺自足死餘死者即同難
或未同其心也

前御史康丕楊上言聖政日新諭以丕楊為沈一貫鷹犬今
借端圖用下廷議

甲子兵部右侍郎李邦華吏部員外郎周順昌並削籍毀其
講臺書院御史倪文煥劾其東林巨魁也

丁卯吏部尚書崔景榮罷命以李宗延代之

癸酉前大孝士韓爌削籍

給事中李魯生請赦下不拘資序蓋陰為少詹事魏庶徵地

也

薛三省為禮部尚書

八月丁丑朔御史石三畏進論辛亥丁巳京察上以刑黨李三
才顧憲成曹于汴諸臣已故追奪誥命見在者削籍仍奪告
身

辛巳追奪故戶部郎中李樸故刑部郎中于玉立贈官以御
史安伸言也

毀天下書院前奪鄒元標孫慎行馮從吾余懋衡官誥罷鄭
三俊畢懋良以御史張訥言也

前吏科都給事中魏大中卒於獄嘉善人萬曆丙辰進士自

行人擢給事中歷工戶禮三垣崇禎初贈太常寺卿謚忠節
談遷曰魏孔時好立黨隅居嘗幸布峭厲絕俗意見褊滯
能當其意則蹶踏為燕識拘而跡峻一見汪文言好情偽
貌遽相激賞汲引同輩來此紛紛雖面自無愧而追原禍
始要自有繇長子學淵扶其柩歸得疾死後議者并以孝
旌凶事偶會務標榜嗚呼東漢黨籍其家人獨無死者
乎何以當時失傳也

甲申以解奸人將應陽功加廣魏忠賢一級

前左僉都御史左光斗卒於獄桐城人萬曆丁未進士自中
書舍人擢御史歷今官同邑阮大鍼與魏大中爭掌吏垣不

得大鍼遂附馮銓傾光斗等崇禎初贈左副都御史錄一子
太學弘光時謚忠毅

談遷曰左中丞被禍同於楊魏等崇禎更化獨斬其易名
末年奏請天子詰所以待者一時不敢明其說予嘗聞之
士大夫中丞在西臺多通以介視畿輔學政不絕請託故
較諸人有遺議焉然其大節煥然人目矣

戊子諭內閣曰朕自去歲以來屏逐兇邪厲精圖治而秉軸
大臣莫為分猷共念如楊漣左光斗等移宮一事皆先帝之
深恩陷朕躬于不孝又能延弼等喪遠辱國寸斬尚有餘辜
而楊漣左光斗各納賄求脫即五刑不足以伸其法而在朝

大臣持祿養交徇私避禍但顧子孫之計不圖社稷之安朕
方率循舊章而曰朝政日亂朕方祖述堯舜而曰大不相侔致
言路各官承望風旨緘口結舌無敢聲明其罪國家養士竟
何賴焉自今以後務改過自新共維國是掃清門戶專力封
疆再有陰懷觀望借題報仇或捏蜚言希圖翻案朕按祖宗
紅牌治以欺君之罪

周如磐以原官兼東閣丁紹載黃立極為禮部尚書馮銓為
禮部右侍郎並兼東閣大學士

乙未前御史袁化中卒于獄武定州人萬曆丁未進士誣坐
贓六千金崇禎初贈太僕寺卿廢監弘光時謚忠愍

高汝棻曰狄梁公承反而人服其智諸公承贓而死人固
有幸不幸焉說者謂追比之日何不一死嗟乎鉤黨禍起
陳蕃劉劭李雲謝弼之儔死掠案者不可勝數虞詡一日
之中傳拷四獄吏勸自引誦曰寧服毆刀以示遠近儆
令當時有求多者引繩批根不休幾不得與絕吭之息夫
躬爭優劣矣今視數公何如也悲夫

戊戌王紹徽為左都御史徐大化為左副都御史吳崇禮為
南京刑部尚書

大孝士魏廣徵予告廣徵既罷相具厚禮于魏忠賢王體乾
等及至家又各以厚餽彌縫之恐呈秀等下石也

禮部尚書林堯俞罷

殺蔣應陽先一日日講畢輔臣丁紹軾等進有像遼東傳俱云此熊廷弼作此飾功冀生也上覽之怒諭內閣亟加西觀之誅庶快萬民之憤

壬寅殺經略兵部尚書熊廷弼傳首九塞時刑部山東司主事張時雍奉駕帖至獄廷弼知有異擲沐出紈囊一謝疏時雍曰爾不讀李斯傳乎因安得上書廷弼曰此趙高言也廷弼江夏人萬曆戊戌進士授保定推官進工部主事以御史按遼卜其變後宣慰遼東進侍郎再鎮遼每就譏王化貞賂市人群詢廷弼頌化貞流聞大內其究終崇禎朝不白初坐

疏十七萬其陳氏繫粵縣廷江夏知縣夏爾玉索其子貂裘帽昔布古玩不遂脅之長子北棟自刎崇禎初己巳次子北璽詐寃大學士韓爌揭奏始收葬

高汝栻曰廷弼慷慨揮霍有餘涵養則不足高言雄氣不肯下人世多以剛愎虛憍目之自有遼事以來再任經略不取一金錢不通一餽問終日焦唇舌與人爭言大計視國如家第以經撫見左復與中樞夙怨動輒掣肘憤激坐視遂膺顯侮悲哉然當事者亦無意即殺自揚左起而廷弼之死決矣故曰廷弼不死於封疆而死於時局不死於法吏而死于奸璫也璫謂不以封疆事殺官則不能創

大獄不以封疆受賄誣諸臣則不能作清流之陷寧不救
廷弼則不能借題追賍加諸臣以身後之誅夫討悞封疆
伏法何辭然終不死於封疆而死于時局不死于吏議而
死于奸璫是以九泉之下目不瞑耳

談遷曰吳殺汪子胥宋殺岳武穆亡國培敵冤痛如新熊
氏之再燃於垂燼補漏救焚屹馬金湯令得究其用即全
疆未復何至捐河東而棄之矢不祚明有王化貞以角又
袒以福清及事在司敗於廷弼意錮之於化貞意奔之然
則殺廷弼者獨逆璫之罪哉福清先其意逆璫後其雄也
廷弼死鎮遠者益非其人卑其詞誕其說為狡為黷為蕙

為餒計必盡擲之於強隣而社稷隨之矣嗚呼不意當今
古而冤痛如子胥武穆也

太監李永貞叙殿門功自閣臣外東廠太監魏忠賢司禮太
監王體乾等協理侍郎胡世賞巡視科道楊夢衮崔呈秀郎
中李養浩等

太僕少卿田生金免

九月丙午朔丁未前太僕寺少卿周朝瑞卒于獄臨清人萬曆

丁未進士崇禎初贈大理寺卿廕監弘光時謚忠毅

辛亥呂兆熊為戶部尚書總督倉場

大理寺卿曹珍罷給事中潘士聞論其給假曠官也

壬子給事中吳國華糾曹欽程周詩雅熊江之貪險上以欽程在陵不問詩雅江及國華以徇私並削籍
癸丑御史吳之仁巡閱引疾命開任

甲寅前登萊監軍僉事佟卜年卒于獄初卜年任河間知縣有政聲熊廷弼薦為監軍佟末年為前鋒參將壬戌四月張鵬鳴行邊誣通建州逆逮詔獄無實坐流時惡廷弼併及卜年下刑部獄刑部主事張時雍矯詔迫自盡諸子亡依遂從熊氏歸葬

丁巳前兵部左侍郎孫居相尚寶司丞史記事並削籍給事中虞廷陞論其黨李三十一也

前南贛巡撫梅之煥以出越南星之門削籍給事中陳序糾之并言孫居相賄膺節鉞託言問餽至二萬一千有奇又票取共金九十餘兩命撫按逮訊追贖

戊午總督河道工部右侍郎南居益削籍給事中黃承玄論其倚黨躐陞也

起邵輔忠順天府丞姚宗文太常寺卿卞詩教趙與邦給事中李徵儀牟志夔御史

右僉都御史楊鶴御史江秉謙夏之令削籍起蘇琰余令中林一桂原官以御史卓邁糾薦也

癸亥禮科給事中解學龍編修侯恪削籍御史智銓糾之

丙寅督輔孫承宗發兵襲耀州初三至河南藍場堡遣人勸其地煮鹽苦之多逃因圍其外煮者陰乞師副總兵魯之甲請乘巡河為計承宗令前鋒參將李承先左輔及之甲自右屯抵三岔河約水將金冠姚與賢丁郊渡柳河會二家溝庚午初兵部尚書高第與孫承宗相左總兵馬世龍以第指止師姚與賢等水師不至承宗不知也惟金冠以漁艇七至遂渡之三日渡總兵百騎此河此河不能立敵悉甲出葉於間承薄承先射死之甲銜應斜自滿兵溺者半左輔自上流至無城紅城人於固山一甲士數十救生口五百有奇選師忌者詳言遼之精銳十萬俱盡兵部尚書高第謂

魏忠賢伏地而哭忠賢薄之

郁士俊曰此時無城近東北敵聞變遑遽思道無暇南下若非忌者見阻則蓋耀竟可復也惜哉

談遷曰柳河之後亦東征一音也自遼難以來我會無片甲翱翔乎河上敵志積偷今且直搗耀城諸校畢至得賈勇先登足褫其魄而將相失權謀同築舍一人鼓之十人撓之幸其敗以自全嗚呼將相調和則士豫附自古識之矣

丁郊給事中霍維華請採開化縣雲霧山之木御史張鯉劄奪官誥以風聞妄奏也

壬戌前吏部尚書崔景榮削籍御史倪文煥劾之
御史夏之冷詆毛文龍幾悞封疆命逮之令及中書令人吳
之瑞海運通判吳世科並下詔獄世科以千金寄弟之瑞事
覺後並成

癸亥顧秉謙推周道登纂修實錄不許以黨人削籍
前武庫員外郎顧大章卒于獄常熟人萬曆丁未進士前為
刑部主事時稍右廷弼袒化貞者怨之遂株及坐贓四萬崇
禎初贈太僕寺卿弘光時謚裕愍

南京尚寶司卿傅宗鼎以邪黨削籍

壬申在告兵部右侍郎李瑾禮科給事中劉懋削籍御史趙

胤昌論之

括南京大內舊銅鑄錢

賜魏忠賢客氏金印各一篆曰欽賜顧命元臣忠賢印欽賜
奉聖夫人客氏印各重二百兩初萬曆中兩宮災燬皇后之
寶竟未補造而闕媪特給可異也

逮惠世揚仍追楊漣左光斗周朝瑞魏大中袁化中顧大章
遺贓後世揚論死

癸酉李從心為工部尚書總督河道

甲戌兵部左侍郎王國禎以踰年不任南京兵部右侍郎岳
元聲以邪黨並削籍

直隸巡按御史俞思恂奏留鳳陽巡撫呂兆熊不許並罷之
十月丙子朔皇子慈炆生容妃任氏出進任景春錦衣正千戶
庚辰南京光祿寺少卿文翔鳳吏部送司員外郎謝三選錫
三級誥

被察御史康丕揚成邊初丕揚疏辨楚藩妖書二事上以掃
門推相和媚貪酷久掛察典削籍未盡其辜戍之

福建巡撫右僉都御史朱欽相薦龍溪貢士張燮學行

壬午兵部尚書高第經略遼東宣至文華殿賜尚方劍及蟒

王金絲

癸未廢魏忠賢都督僉事

庚寅霍維華為太僕寺少卿

甲午王永光為兵部尚書

乙未刑部右侍郎朱世守大理寺丞楊一鵬山西巡撫劉策
布政使陸完學俱削籍御史潘雲翼糾其東林遺奸也

兵部職方主事徐日久削奪官誥以妄奏總兵馬世龍也

督師大學士孫承宗罷總兵馬世龍免職方主事徐日久削

籍以妄薦世龍謫之也承宗雖爛于兵而方畧亦疎馬世龍

便給瑣流非大將才畀以重任人多議之

己亥前登萊巡撫右僉都御史陶朗先卒于獄

壬寅許弘綱為南京兵部尚書

經略遼東兵部尚書高第至鎮檄撤錦右寧前之兵指關外地四百里寧前道副使秦崇煥爭之力止罷錦右之戍及屯田兵民入關

十一月丙午朔己酉進任氏為皇貴妃進任景春為都督同知任應發錦衣百戶御史邢紹德糾周如磐妻喪不朝賀大不敬

庚戌南京工部主事劉忠選劾葉向高妄薦孫慎行

辛亥經略高第以戶部主事田吉改兵部職方主事督畫

編修陳子壯及父吏科都給事中熈昌削籍子壯以甲子主試浙江程錄有庸主矢權英主攬權語坐謗訕也

癸丑大學士周如磐罷

南京戶部員外郎胡芳桂言為胡永順陸師贊易應昌誣陷並削籍

寧夏巡撫右僉都御史郭之琮罷御史余城劾之琮妄議採銅也

巡撫遼東右副都御史喻安性罷

庚申遼揚州知府劉鐸以詩筴贈僧本福云髻彈木邊崇山前鳥欲飛各人頭戴笠有執項流緋陽至君恩重陰來國事非崇禎明聖出火木好垂衣本福走京師錦衣衛田爾耕緝為讖訕并逮鐸

庚午御史王時英劾湘江巡撫右僉都御史劉可法躐升前
文選司郎中唐暉貪婪並削籍

辛未兵部右侍郎唐世濟太僕寺少卿張潑通政使王孟震
布政使李守後叅政蔣謙並削籍御史田景新梁夢環劾之
癸酉前文選郎中莊欽隣太僕少卿孫之益太常寺卿陳伯
友大理寺丞蕭毅中並削籍御史張樞糾之

甲戌刑部主事彭叅言東林黨蔽上以叅原左光斗私人遂
與陳鏞徐日升並削籍

南京兵部右侍郎蕭近高前刑部尚書喬允升閑住給事中
薛國觀糾之

太僕少卿潘文罷

十二月乙亥朔丁丑督理屯田右副都御史董應舉罷

己卯前太僕少卿馬孟禎河南米議韓萬象前吏科左給事
中方有度並削籍御史王業浩糾之

稽勲郎中劉廷諫文選員外郎孫必顯大理寺少卿韋蕃並
削籍御史陳膺謨糾之

辛巳吏部尚書李宗延刑部尚書李養正罷

癸未文選郎中金世俊江西按察使朱萬鍾王繼謨並削籍
世俊下撫按追贖御史倪文煥糾之

禮部左侍郎周炳謨以前薦王之寀勒致仕大理寺丞張廷

拱以鑽營並削籍御史石三畏糾之并罷南京工部尚書沈
傲炆

乙酉御史陳世倌劾南京兵部右侍郎郝名宦太僕寺少卿
羅汝元光祿寺少卿王國瑚邪臣倖進並削籍

丁亥禮部尚書薛三省罷

戊子太僕寺少卿歐陽調律前御史程學程削籍禮部左侍
郎公昂罷給事中葉有聲糾之

廣西巡撫右僉都御史董元儒太僕寺少卿倪應春削籍御史
何可及糾之

御史盧承欽劾大理寺卿曹珍狎主邪盟屯田右副都御史

董應舉侵撓益政給事中李遇知薦舉獻媚並削籍

遼東巡撫喻安性削籍薊鎮巡撫申用懋閑任直隸巡按御

史洪如鍾糾之

己丑王紹徽為吏部尚書

癸巳戶部主事李柱明盜北新倉粟下詔獄

御史趙胤昌劾大學士丁紹載摸稜反覆如柳河之敗議馬
世龍去留不決也

乙未大理寺方少卿吳之皞朔廣巡撫舒榮都御史鄭宗周
工部員外郎何顯宗並削籍給事中潘士聞糾之

前吏部尚書趙南星戊振武衛子清衡戊莊浪衛

丁酉大學士周如磐卒于京師莆田人戊戌進士 見後

御史練國事李玄王祚昌霍鏐楊新期並削籍給事中趙興

戊戌李嵩為右僉都御史巡撫登萊

應天府尹談自省刑科給事 賴 佐南京禮部主事張篤

敬並削籍御史 弘 糾之

太僕寺少卿劉蘭吏部郎中呂維 工部郎中呂克孝南京

戶部郎中董述並罷御史陳以瑞糾之

南京通政使魏時應前稽勲郎中戴澳除名御史何廷樞劾
之